

古緣萃錄

光緒甲辰
澄蘭室石印

C. T. LOO & CO.
41 EAST 57th STREET
NEW YORK, N. Y.

NO. 536

HGT. 6 vols.

LENG. _____

THE GETTY CENTER
LIBRARY

澄蘭室古緣萃錄卷十三

古虞 邵 松年 輯



國朝

各名家書画扇面冊

第一開白礬面居士貞水墨蘭花靜逸絕俗款左上

居節戲筆

仲居

月移庭下佩風送谷中香 留別口口口北上今燕寫
第二開金箋面山公設色山水出靈一角溪水長橫紅樹青
山茂林脩竹款居中

庚寅麥秋寫似口口詞兄 山公瑛 耒

第三開金箋面筴江上行書五律一首印首某嶼

高閣晉金壘榮光次第來賓朋歌壽愷子弟集英才酒向瑤池
醉詩泛閬苑裁年々當此日青鳥下蓬萊書祝憐翁親臺

筴重光

筴重光印 朝：染翰

第四開金箋面沈獅峯水墨山水溪山淡遠風景清幽點染
沖虛筆墨秀潤款偏左

沈宗敬寓於瞻就軒

宗敬南季氏

第五開金箋面宋駿業水墨山水水石清奇竹木滿洒遠山
一帶老屋三椽筆致清潤款右邊

臣宋駿業恭畫

臣宋駿業

第六開白礬面六段集錦書竹垞隸字

野棠花落又清明楊柳青々人耦耕春物闌珊成底事半江疎

雨算潮平

□□道兄正字

葆中

擲半

戊寅三月三日偕查田楔飲淮江郊居 上巳朋游健通家舊

好仍水同蘭渚曲堂接板橋升細雨寒尤劇深杯老尚能西鄰

花待放試約小船乘

□□年兄正之

彝尊

殊

我愛城南給事宅海棠一樹紅交加得錢沽酒便留客燒燭上

樓還照花濯枝偏宜的皪雨亂眼只隔朦朧紗竟須時赴二老

約爛醉不問東西家

□□道兄正之

查慎行

重

盛之以金函濯之以鐵汁金鐵有時消光氣常熠々千載汨羅

寃八月胥濤泣深夜明瑠璃我欲呼之出
適讀姚江邵君海

濱紀事感歎之下漫誌數語
道兄見之因命書筆端殊覺

狂肆也
蛟川謝師昌

謝師昌印

衰顏不稱花邊坐生手難成絃上聲
莫恠香奩無一字舊時韓

偓也多情
繆大啓武無題詩索和走筆謝之博
咲并

正
介復藁

復臣

佳人墮空谷顧影長太息
寂寞海棠花誰憐好顏色
傾國非

無色銷魂亦有香雨中醒
蜨夢風裏斷鶯腸
白
與朱
繁

華滿田里如何絕世姿
不若閒桃李
海棠歎之三
正之

世兄 昆田 田

第七開金箋面查梅壑水墨山水楊柳溪亭湖山平曠款居中

溪山亭子畫似元升道兄正 乙卯三月查士標 瞻二

第八開白礬面黃尊古設色山水巨石橫坡一峯遙接山亭茅舍灌木叢深款偏右

做梅花庵主筆意 丁酉夏五月五日虞山黃鼎 樽

第九開金箋面陳世南小楷七絕七首有柏蓀珍賞印

暖氣晴嬌杜若洲沙頭狂客繫蘭舟采蘋多少江南女搖蕩春光不自由 白玉簾開露氣浮芙蓉花近紫金鈎陽春一曲無人識空拂銀箏下翠樓 十年小隱在青山喜有東湖屋數間

門外白雲常在眼此身渾似釣舟閒 月中仙子種娑羅樹底

遙山隔絳河吹落秋聲向何處紫簷窗戶晚涼多 昔年家住

太湖西常過吳興菴畫溪水閣筠簾春似海梨花影裏睡鳬鷺

畫船夜泊寒山寺不信江楓有客愁二八蛾眉雙鳳吹滿天

明月按涼州 雲平水暖魚吹浪雨潤泥香燕啄花著面東風

濃似酒扁舟流過白鷗沙 為無老賢姪倩書 陳邦彥

邦彥

第十開金箋面方小獅設色山水林巒葱翠點染濃腴款偏左

丁丑夏日寫於邗上草堂 小獅山人方士庶

方士

第十一開白礬面風竹數枝月露半面老筆勁達墨瀟淋漓無款右角下楊涵之印

第十二開紙面梁詩正臨蘇札十五行後款

梁詩正敬臨

臣詩正

第十三開紙面錢茶山水墨山水峯巒銜接溪樹蕭森筆墨老蒼氣息深厚款右角下

錢維城恭畫

臣城

第十四開白礬面高且園設色指畫坡上一石點綴野菊小草一錐雖啄一蜂筆意老橫款左邊

其佩

鐵嶺道人

其佩

第十五開白礬面隨園老人詩翰楷書三十行

恨事如流水都來三月中人間送公子天上別春風班馬數聲響落花滿地紅思君兼聽雨燈影小樓空
擁髻吳兒舞題襟

楚客狂才當歡笑處已是別離場
扈蹕程應緩懷人夢可忙知
君射飛鳥不忍向南望
後會寧無日前期未可知心如一輪
月光照兩瓊枝羽使時通札官閒好寄詩年々東海水流不盡
相思 寄懷樹齋雨林兩世兄 袁枚 好

附錄送胡五官之揚州一首 潘安對酒髻如絲玉貌吳兒上

馬遲我已將衰卿正好大家不是別離時

蓮花
博士 柏葉
佛人

第十六開白礬面王蓬心水墨山水峯巒渾厚氣韻深純筆
意頗近廣州款偏右

丙子仲冬舟泊洞庭蓬窗漫筆

蓬心王宸

王宸
書畫 蓬心

第十七開白礬面黃左田設色山水岡阜高峙臺閣參差烟
樹千重屋角雙露題居中待月臺七絕一首

待月臺 御製如園十景之三 臣黃鉞敬書恭繪 臣成

第十八開白礬面鄭板橋詩翰七律一首餘帝寫鋤禾日當午四句都十六行行楷有別趣

鄭子曾誇蓋世才塵埃一跌事張乖歌殘街上蓮花落忘却天邊桂子開風雪有情飄瓦罐雨雲無夢到陽臺可憐衣上千

結盡是恩情博得來 板橋道人

二印不辨

各名家書畫扇面冊

第一開金箋面天瓶居士書東坡魚枕冠頌行楷十八行末款

東坡魚枕冠頌 書常學兄正 張照臨 照得

第二開白礬面俟齋水墨山水峯巒邃密林木蕭森點染清腴氣息靜穆款居中

壬戌秋日做董北苑筆意畫于澗上草堂 俟齋徐枋

徐枋之印

第三開白礬面覃谿學士行書十四行

洛神十三行之有唐荆川本猶樂毅論之有吳江邨本董香光

皆推為古本尚未盡也二者較量可 翁方綱

翁方綱之印

第四開白礬面江星源竹石水墨畫石淡青畫竹筆意清秀
題右角上

細竹嬋娟若美人風梳雨洗越精神不添一片平原石林下將

何作比鄰 星源江聲

印

第五開白礬面石庵相國臨蘇長公書約綽新嬌生眼底並
和韵七絕二首十五行後款

己未秋九月 石庵燈下臨

劉墉之印

第六開白礬面黃左田設色山水蒼厓翠竹綠樹青山結構
渾融筆意鬆秀款右角下

黃鉞恭畫 黃鉞

第七開洒金面石庵相國臨古帖四段廿一行第二段楷書
七行餘行草後款

石庵劉墉 劉墉 之印 庵

第八開金箋面王忘庵寫意墨牡丹一花一蕊款左角上印
首擊香

甲申仲冬寫賀曙熙道兄 王武 王武 勤中 芳神 王孫

第九開紙面嵇拙修楷書詩話十五行印首絢秋後款

分甘餘話一條 嵇璜 嵇璜 印 修拙

第十開白礬面鄧二知設色山水橫厓倒壁紅葉青松布景
清幽用筆疎秀款偏左角下鄧炳泰印

為仲遷再姪

二知桂

桂 印

第十一開 洒金面天瓶居士臨米跋十三行行楷後題

米襄陽跋謝太傅帖

張照

照 天得

第十二開 白礬面楊西亭水墨蘭竹筆情秀逸題右角上印
首八十一老人

沅蘭與湘竹臭味自相親寫此既自娛還貽澹宕人 甲辰七

夕戲寫為變老道長兄一桀

西亭楊晉

楊晉 鶴子

第十三開 白礬面覃谿學士小行楷前書元遺山題靈巖寺
廿七字五行後詩跋共廿六行印首大雅

右元遺山題靈巖寺廿七字在明昌七年党懷英撰書碑陰下

有丙辰冬至日蓬山劉惠淵游靈岩詩丙辰即明昌七年丙申

則蒙古太宗八年也是時遺山正在冠氏有馮子駿內翰見訪
詩時年四十七矣方綱既得手拓此蹟因借劉韵記之寫奉閭
峯閣學教和 党記劉詩托此傳驪珠廿七氣橫天濟南紀後
千行淚野史亭邊一掬泉內翰相過應寄語邑侯同到亦良緣
我來手挹芝英露不枉追攀淨土蓮 遺山先生乙未年有濟

南行紀之作至戊戌八月有留別冠山諸人詩蓋此三年中皆

于冠氏耳

方綱又識

公甫
方綱
齋

第十四開白礬面黃左田設色山水脩竹滿山疎林映水坡
上一亭一人席地攤書清潤鬆秀不染塵氛款居中印首出
門大吉

嘉慶壬申春季為雲坡三兄大人屬 弟黃鉞 黃畹

第十五開 涵金面 嵇拙修楷書五律二首二十行前一首有誤裝處

明月生東海清輝濕未乾
天空雲影散林靜竹光寒
影浸銀河

白香霏桂子丹紫薇低覆砌
冉冉露光團 種自金華省分來

竹素堂蟠枝凝瑞露接葉逗清光
舊作仙郎伴新移野老偏三

秋花爛熳相遲一飛觴 嵇璜敬書

筆露 春雨

第十六開 白礬面 鄒二知設色 紫薇水月倒映一片空明 嵇詩即題此原一柄也款右角下

臣鄒一桂恭畫 臣 畫

各名家書畫扇面冊

第一開白礬面王安節設色山水岩壁臨江樹木蒼翠屋上茅閣高踞一人憑眺一帆初駛中載三人題右上上款割

江寒無六月潮長在三更不少尋幽客蒲帆衝月明 夏五畫

於卧颿小閣 繡水王槩

第二開金箋面蔡仍玉行楷五律一首十三行後款三行

策杖出門去天風吹次寥蛟龍生日角鷹隼起秋霄北闕瞻堯表西巖聽舞韶英才羣會地賴爾建清標 為達可先生心

蔡仍玉

第三開白礬面余曾三設色花鳥松枝曲蟠紫藤環繞月魄初上翠羽雙栖款右角下

臣余省恭畫 余省

第四開冷金面文去盈行書滿江紅一闋漢、輕烟至情悽切十八行後款

調寄滿江紅

文謙光

謙光之印

文去盈

第五開白礬面設色山水溪水前橫蘆荻兩岸坡前樹蔭欣欣向榮一漁父持竿其際無款右角下懷真獨遠印傳為西亭所作筆墨相近也

第六開白礬面天瓶行楷五律一首十行款一行

一舸泛霜晴湖波寒更清平隄連野色遠市合春聲塵土浪終日山林負半生回頭夕陽外烟渚白鷗輕 順之世兄 照

張照印

天得

第七開金箋面于素谷設色桃花款左邊

壬辰伏日撫南田翁寫生

素谷

吁

壽伯字素谷

第八開白礬面洪稚存詩翰七律一首十二行題款五行

不種桃李不避秦距城卅里號通津寬疑典午瓜分縣密訝宏

農豆撒人兩地烟雲穿脇近

地近三天洞

此間邱壑賞心真瞿硎去

後無消息留得三株作化身

洞有瞿硎樹相傳即晉時手植也

丁卯上巳日

友人約游山門洞得詩廿首今錄一為嘯雲硯長先生心之

洪亮吉

遠吉

第九開白礬面王二癡設色山水峯岩蒼秀林木清疎二人坡前對坐溪光雲影筆致空靈款偏右

夏山圖擬癡翁筆意

次峯王玖

玖印

第十開白礬面吳山尊小隸書題畫詩十三首四十八行款三行略有剝蝕之字

人住春陰綠新烟畫眉窗橋危荒古渡山遠插晴江鷺渚深三尺漁叉響一雙聽鶯佳客至門有繫船椿柳為籠江靜何心

逞媚姿潮痕紅雨膩春信綠條知社燕家々酒漁莊罩々詩樹無攀折感絕少贈行時畫靜開簾坐楊花軟襯床新篴春色

釅野菜澗濱湘村僻人無事萍生水有香何妨深綠處亦號讀書堂

種果花初發村翁著意憐陰厓前夜雨春水對門船熊

館歸樵險口欄挂笠圓夕陽鄰社散扶杖意醺然溪路悠無

際霜天月有痕山空孤客眼楓醉九秋魂問渡寒烟浦留題夕

照口不曾游興減帶月返柴門懸崖烟樹黑定隱虎狼羣仄

徑人埋弩荒谿獸卧雲穴深摹不到風勁吼如聾尺幅神口繪

圖兼鑄鼎勤 擔藥墟聊趁茅柴換幾斤比鄰招對飲微醉口

斜曛林斷橫嵐翠籬敲壓澗雲馬知塵隔嶺獵馬暮紛紛 樹

老濃披薜風回冷截雲嵐深千嶂合路斷一泉分帆影搖秋色

樵歌送夕曛只愁神廟古夜宿虎狼羣 嵐翠晚模糊斜陽淡

有無口欺黃葉瘦邨倚白雲孤矮屋徐口口疏簾補織蒲山居

清冷慣消受酒盈壺 前山秋樹影紅到最高峰風外疎仍口

霜前染更濃繞村催搥練迷寺口聾鐘楓落誰吟咏斜陽冷處

逢 樹杪懸孤坂崎嶇憶舊口馬蹄春雪凍虎跼夜口腥草木

兵迷影神姦鼎混形民口巖壑險呵護禱山靈口道山居易

林枯野火焚鄰炊千嶂隔廢戍一牆分虎餓口虛柵雅寒噪凍

雲滅蛇誰借鏡陰洞有妖氛峽陡挂枯藤中藏萬古冰燒餘

空樹影雪盡口口棧路斷忘機鳥厓口口却僧口驚陰澗底口

口氣蒸騰口口亭為韵亭年伯大人書題畫詩未竟口口口

口南鼎仿其書畢之並識

龔 弘

第十一開白礬面楊西亭設色畫牛平坡老樹疎荻清溪一
童伏牛背上有一犢後隨水邊小鳥兩于飛右邊題印首

甲申

不學封侯學牧牛牧牛應不羨封侯綠陰樹下清溪畔無是無

非到白頭 戊戌夏日寫 西亭楊晉

晉楊鶴子

第十二開 洒金面 孫賓花行書 駢文十三行 筆意流動 頗得香光神髓 後款

甲午秋日書應詩庵世大兄雅屬 賓花孫元培

臣元培 賓花

第十三開 白礬面 張雪鴻柳燕淡設色 一飛一集 風致翩翩 款右角下

壬戌暮春之望 芷園張敬

張敬

第十四開 白礬面 張雪鴻行楷書 山谷跋東坡書語廿一行 後款

黃山谷跋 培齋六兄先生教畫 弟張敬

敬弟

第十五開 白礬面 陳嘉言設色 蘆雁畫法 在頤公之次 款偏左

己酉立秋前三日寫於醉樂軒 陳嘉言

嘉言

第十六開白礬面王澐川臨聖教序十五行筆法神似天瓶
後款印首承恩賜御衣

松崖老年臺榮壽 王圉炳

炯國澐川

第十七開白礬面馬扶義設色花卉蘭花二莖數葉飄灑石
榴二枚芝葉一枝專色淡冶不亞南田題右角上

丁丑正月三日逢眉老道兄覽揆之辰為寫此圖博笑取其意

而已不論時序也 栖霞子元馭

元馭義

第十八開白礬面梁山舟行書元遺山七絕三首十五行後
款

遺山句 山舟梁同書

舟山

第十九開白礬面吳鈇生水墨山水溪山清潤林亭蕭疏筆
意灑脫書味盎然款偏左

倣思翁林亭秋淨 鈇生

蒙泉外史

第二十開金面林小宗臨漢碑十三行墨色濃郁筆意倜儻頗類伊默卿得意之作後款

戊寅暑月臨奉 栗園先生丈正畫 揚州林報曾 刻 報

此扇為 先大父雙款隸法極佳附裝此冊是成廿頁

各名家泥金書畫扇面冊

十八開皆黑漆紙面泥金書畫
第一開楷書 御製影湖樓十詠三十二行目曰天光雲縷

山容波態塔影鐘聲鶴唳蟬吟樹色荷香名七言絕句一首

御製影湖樓十詠 子臣永琬敬書

第二開竹石松梅款左角下

臣弘昉敬繪 咄

第三開張天瓶臨米行書十三行

米黻詩帖 張照

照

第四開劉石庵臨香光行書五行跋款七行又臨蘇帖八行
印首希言自然

香光見梅花而作書天瓶專精書法而忽然畫梅消息相關述
庵有會心焉 壬子孟冬之月書于天香深處石庵居士劉墉

蘇帖下 石庵臨

劉墉之印

武陳

第五開山水層岩遠岫密樹平湖臺閣空靈風帆縹緲款右
角

臣袁瑛恭繪

瑛

第六開楷書 御製詩七絕四首廿八行

御製溪亭對雨詩四章 董邦達敬書 邨

第七開山水柳岸蓮塘梧庭竹院清溪遠接遙岫中橫款左邊

錢維城敬畫

第八開張天瓶臨畫像贊小楷廿九行

東方朔像贊 臣張照敬臨 臣張照

第九開劉石庵行書初游石湖七律一首游上方山七律一首廿一行似 御製詩

臣劉墉敬書 臣墉 梁翰

第十開山水峭壁直峙兩坡隱連松蔭參差高低相映無款第十一開小楷 御製詩五律八首三十一行

御製項聖謨松濤散仙圖即用自題原韻八首 臣劉綸敬書

臣論

第十二開山水橫岡平坡遙山狹澗松濤生翠草色含香款
右角

臣張若澄敬寫

澄臣

第十三開張天瓶行楷書七律七古各一首十七行印首長
卿

臨張伯雨詩于橫雲山之一邱一壑

張照

張照
私印
天

第十四開劉石庵集錦真行八種一段行草五行題六行二
段臨十三行六行題四行三段臨瘞鶴銘七字題十五字四
段楷書六行無題五段草書十字題三字六段大行書三行
題四字七段餌錫帖五行題七字八段小楷四行無題俱有
石字圓印

張旭臨大令書

唐人臨本

此字或謂右軍或目顧況迄無

定論也 張旭書 柳誠懸書 餌錫帖似勃海書 劉墉

劉墉之印 翰染

第十五開山水峯巒崇密兩面清溪長至一坡林木夾徑款
左下

董誥 臣誥

第十六開王際華行楷書 御製七律三首一禁中雪松一
移竹一盆梅三十四行

御製七言律詩三首 臣王際華敬書 韞書敬

第十七開劉石庵小行楷書沈香山子賦三十二行印首春
共聖恩長

劉墉 劉墉之印 翰染

第十八開海棠二枝楷書 御製七律一首十四短行

御製海棠詩 臣馮光熊敬書

臣光熊

閨秀名家花卉扇面冊

第一開金箋面設色粉花二莖一棘枝挂蜂房羣蜂集其上
款左上

天水趙氏文倂畫

文倂 容端

第二開碎金面水墨蘭花準鈎寫意略觀竹石款左角上

壬寅夏日寫 湘蘭馬守真

湘蘭 守真 玄子

第三開礬面設色牡丹三種六花一蕊坡工二柏石邊芝草
二莖款右角上

壬申秋七月上浣 馬荃

馬荃 江香

第四開礬面設色紫藤映水荇藻參差金魚二一俯一仰款
左邊

紫綬金魚

壬申秋八月既望螺峰女史顧韶

羸韶峰印

第五開礬面設色花卉寫意花未詳坡邊雜野菊棘枝款左邊

蕊仙四嫂夫人雅正

阮錢德容

孟端

第六開礬面水墨蘭花倒挂石上題石面上

蕊劈疎尖香尚含棲巖隱谷在東口屈平詞賦真知己一卷騷

經細泳涵

為采石夫人雅鑒

韵香

香韵

第七開礬面水墨蘭竹寫意款居中

今日天氣佳晴窗無事因寫蘭竹於便面為小海居士鑒之

女道人韵香

淨蓮之印香韻

第八開礬面設色蕙花二莖款右角上

嘉慶乙丑閏月雨中坐都門南禺山館仿文端容筆意 頤芬

女史吳孫芸

孫律書
女史

第九開礬面設色蕙花二莖無葉紅蓼幾穗間之款右邊左
邊鈕蘭女史印

吳江越水何相見之晚也爪跡雪泥聊贈日後相思并請秋潭

詞長雅教

鋤蘭女史柳生生寫

姓

第十開礬面設色鳳仙秋葵芙蓉菊薔薇雁來紅玉簪二種
未詳采色陸離款右邊左角下花好月圓人壽

九秋園 臨南田草衣真點于十二曲闌干館時乙亥秋八月

南蘭女士袁毓卿子芳氏畫

表

毓卿
畫印

第十一開礬面設色白荷花一朵襯以綠葉紅蓼並一朱蛭
款左邊

嘉慶辛未二月浣花女史慧貞作

浣華

第十二開礬面設色工筆菊花六種蝴蝶三款右角上印首
畫禪

添園老叟真仙吏彭澤先生是酒人點綴東籬一片景秋來何
處著輕塵 癸巳夏初仿甌香館筆意於仙源公邸 弁山女

史畢景桓

英鈔

第十三開礬面設色工筆菊花三種款右角上

定生許澍慧寫

定生氏

第十四開礬面設色嬰粟二種兩卷一蕊款左邊

仿宋人筆意於東園閣中 晉陵女士畢昇 昇印

第十五開礬面設色蕙蘭倒垂瓣用鉤染款左上

結根離塵俗猗那弄晴姿照水花疑落因風葉自垂 己酉重

九前六日寫之泚泚

金冬心花卉冊

紙本水墨高六寸二分闊八寸七分十二開題首二開四大
字題簽曰拙畫十二幅奉呈清覽六先生手書

畫吾自畫 王南平語以書畫冊之首 壽門 銓書

第一開桃花一枝左邊題淡墨書

野外桃花窺人好似墻東女亂紅無主多謝春風擡舉二八華

年憐他笑靨眉能語今日暖雲如許恐變明朝連夜雨 金牛

湖上詩老畫並填詞 農

第二開棕櫚石筍濃淡參差題右邊濃墨書

寶樹具妙相香界圍一林大葉若壞衲紛披何蕭森林中僧未
歸誰向石隄尋負此念佛鳥清晝連夕陰 十九松長者畫并
題其上仿唐顧司戶詩體也 金吉

第三開菖蒲一盆題上橫淡墨左邊濃墨

四月十六菖蒲生日也余肩元時林松泉代郡鹿膠墨一螺乃
為寫真并作難老之歌再其壽云 蒲郎蒲郎鬚髮古四月楚

天青可數紅蘭遮戶尚吐花紫桐翻階正垂乳寫真特為祝長
生一醺清泉當清醕行年七十老未娶南山之下石家女與郎
作合好眉嫵 農 農

越夕又成二十八字以代菖蒲作會亦解嘲之意也 此生不

愛結新婚亂髮蓬頭老瓦盆莫道無人充供養眼前香草是兒

孫 壽門又書 壽

第四開梅花左角下題濃墨

蜀僧書來日之昨先問梅花後問鶴野梅瘦鶴各平安只有老
夫病腰脚腰脚不利嘗閉門閉門便是羅浮邨月夜畫梅鶴在

側鶴舞一回清人魂畫梅乞米尋常事却少高流送米至我竟
長飢鶴缺糧携雀且抱梅花睡 我眉山中精能院漏尊者書
來問訊予畫梅作書寄之心出家衲僧合十 金書

第五開竹石隼鉤題左邊淡墨

曩在汪伯子巖東草堂見張萱畫飛白竹紙長一丈許乾墨渴
筆枝葉皆古儼如快雪初晴微風不動想作者非娟媚之姿悅
人也余縛黃羊尾毛畫此一幅縱意所到不習其能然幽香間
小有合耳 冬心齋主記 冬心先生

第六開萱花題上橫濃墨古象圓印

華開笑口北堂之上百歲春秋一生歡喜從不向人愁果然萱
草可忘憂 金二十六郎并題

第七開松樹一株題右邊帶下橫淡墨

白芒袍青絲履清旦山行松里許松風為我一掃地忽作水聲
吹到耳耳中生毫但願如松長此身落，如松強試問有錢百
萬河東客可買松陰六月涼 甲戌之夏畫于揚州昔邪精廬

并賦松間曲一篇 昔邪居士書

金氏壽甫

第八開夜合花題左邊濃墨

吳融畫白蓮團扇一時有姑射仙人之目又見其夜合花玉骨

姍々含睇獨立絕似楊家太真真覺六宮粉黛無顏色矣客牕
偶一仿之然不敢招題惡詩之唐突也 曲江外史并記

生手
丁卯

第九開繡球花題上橫淡墨

花攢一朵數了又數數不盡花房幾箇風枝輕顫粉初勻紅漾
酒鱗々看花難得去年人 百二硯田富翁畫并自度一曲而

書之 壽門

第十開粉牆一角杏花一枝題左邊濃墨

青驄嘶動控芳埃牆外紅枝牆內開只有杏花真得意三年又

見狀元來 稽留山民畫并題

金農
印信

第十一開蕙蘭二莖準鉤花葉倒垂題左角上淡墨

楚山疊翠楚水爭流有幽蘭生長芳洲纖枝駢穗占住十分秋
無人問國香零落抱香愁豈肯和葱和蒜去賣街頭 金陵馬
四孃有此畫法予偶尔為之頗與阿儂同妙也 龍拔舊客并

記

金農

第十二開菊花數種開籬落間題偏右橫書濃墨左角下坐
春風館所藏一印

乾隆己巳予居江上與鄰曲諸野老結菊社一時名種各有所
贈酒邊籬落竟濫冒種花之人矣南陽有菊水襄陵有菊城予
之菊社康風子或一遇之今客揚州漫意寫此寄語故鄉三五

耆英晚香冷豔尚在我毫端也 甲戌之夏奉呈德州先生使

君清賞 杭郡金農頓首

金吉

金冬心書畫冊

紙本十二開高六寸四分濶七寸八分
第一開書烏絲界八行六字

石門僧畫某吾友丁敬身藏一軸密萼繁枝孤詣獨絕踵後塵
者越城王郎余雪中偶仿其意尚不至於望塵不及耳 杭郡

金農

生于
丁卯

第二開墨梅枝幹斜垂花蕊繁密款左角下右行

晨起用杜道士龍精墨為某兄寫照 昔邪居士

金壽

第三開書烏絲界八行、五字得六行一字款行書

米芾人物蕭散被服效唐裝嘗作子敬練裙圍又作支許王謝
于山水間挂齋壁 戊寅六月復至廣陵避暑于專齋書 錢

唐金農

冬心先生

第四開書蒲一盃下半題七行字不等与前冊所題同自四月至暑燠止款

金農

農

第五開烏絲八行行四字得七行款字小兩行

華氣已闌人罷酒碁聲方散月當堦新篁一枝纔落墨便有清

風生百骸 飲鄭氏園畫竹并題白其上 杭人金由

金農印信

第六開墨竹左角上題

此君面目含清風 杭郡金農畫 壽門

第七開烏絲八行行四字詩七字款小字兩行

新婦磯頭嬾寄書竹竿咲贈莫躊躇釣魚須釣一尺半三十六
鱗如抹朱 寄贈竹民先生之作 杭郡金農 冬心先生

第八開枇杷一枝題右角上

洞庭山中枇杷正熟飽啖後用宋人易元吉法畫之未暇題詩
其上也 金農 壽

第九開烏絲八行行四字詩七行款行書兩行

雨後修篁分外青蕭，如在過谿亭。世間總是無情物，只有秋聲最好聽。畫竹自為題詩，中未免有故鄉之思也。杭郡

金農

金氏
壽門

第十開蓮房二一仰一俯題上橫滿

乍涼時候荷花開了不晴不雨吹不動扇底微風渚宮水殿記得那人同坐纖手剝蓮蓬。昔年在巖東草堂見元人畫此余想其意漫作此冊倘遇甫里先生諒亦許之曰可矣。金吉金題記 壽門

第十一開烏絲八行行四字得七行二字款行書

金錯刀李家重瞳兒畫竹法也余戲筆為之物外服古之士定

知余有自來也 曲江外史金農

金農印信

第十二開渡鈎畫竹題左邊四行行書

蔡中郎作飛白書張璪畫飛白石張萱寫飛白竹世不恆見春日多暇余戲為擬之若文待詔畫朱竹又竹之變者也曲江外

史金農

金農印

金冬心寫名賢詩文畫冊

紙本十二開水墨高四寸八分闊六寸五分

第一開寫陶靖節歸去來辭意老屋一椽滿庭松菊岩石一卷繞以竹籬一人堂前讀書旁供菊花一盆左邊小楷書密寫歸去來辭一首長短廿一行款一行

擬陳章侯歸去園大意

二十六郎金吉金

金農

第二開寫王子安滕王閣序意岩石高下樹木周遭前臨清溪中峙高閣右角上橫寫序文高下三十九行文未全農字小印

第三開寫白香山琵琶行詩意大江中流楓荻兩岸一舟樣棹中坐兩人隔江蘆荻中泊一舟一婦抱琵琶上寫琵琶行右至左長短四十行農字小印

第四開王禹偁竹樓記意層岡臨水叢竹滿坡上有一樓一人烏紗憑檻左邊寫記文長短十六行金農小印

第五開寫柳柳州銘鏐潭西小邱記意一坡臨溪三椽野屋芭蕉數本岩石一卷一人窓間獨坐右邊寫記文長短十四行未全款三行

乾隆元年夏五月時客都門

杭郡金農

金農

第六開寫歐陽公醉翁亭記意坡上峭壁衆木高低巨石空靈一亭高峙前坡二人對坐左邊寫記長短十八行金農印

第七開寫蘇長公赤壁賦意峭壁臨江松岩陡峙一舟中流
容與中坐二人右角寫賦長短廿七行農字小印

第八開寫歐陽公秋聲賦意茅屋一椽雙梧挺立菊花滿徑
明月在天一人據案秉燭讀書左邊寫賦長短十五行農字

小印

第九開寫蘇長公放鶴亭記意梅花幾樹怪石玲瓏臨水一
亭一人讀書其中有一鶴飛來左角寫記長短二十三行金
農印

第十開寫宋金華閱江樓記意崇巖遙峙林蔭高低臨江一
樓柳下一亭相映左邊寫記長短十五行金農印

第十一開寫 詩意金焦兩點對峙江心樓閣浮屠叢
林密葉隱約可指上右至左寫焦山寺裡鐘始鳴十年不到

浮玉山七古二首長短四十二行金農印 詩意峯巒浚峙坡石前橫長廊架水林

第十二開寫 木陰翳一人褰帷憑檻上偏左寫羣山春未動清刻出松篠
五古一首浚款

稽留山民金農 金農

此冊初為錢江朱子涵所收既而疑之因復售出其所以致
疑者蓋因題字不類平日之作不知名家筆墨無所不能縱
極變化時露本色予藏花卉一冊其淡墨題字正与此同惟
字小疾書不免率筆若摹仿豈能數千字始終一律可信者
一先生畫多用焦墨枯筆此冊山石樹木及花草間用此法
殊覺蒼老而其潤處却在筆墨之外至人物之寫意亭榭之
參差無意求工益為畫家所摸不到可信者二得此數年晴
窗展玩特為拈出後之賞鑒者未識以余言為何如也

金冬心臨西嶽華山碑冊

紙本原大幅共十行行二十五字末行十一字款改冊五十
四開印章款語一開每開四字高八寸寬窄因字大小少有
出入自立宮其下至垂之于後又袁府君諱達字周陽汝南
女陽人十三字都一百九字首頁下有黃小松珎藏印末頁
上半頁有筠莊珎藏一印款六隸書

稽留山民金農

農

冬心

先生最愛延熹華山廟碑手自獲鈎今刻於曲阜玉虹樓下
此中年最精之跡餓隸渴筆不讓古人余得于濟甯謹裝界
藏之 嘉慶二年正月二日黃易題于秋影行盦

金天豁西爽浩：鬱空翠文肖清明安實聿矣漢世郭香察

蔡書延熹八年事是名華岳碑海內本存二全者字漫堂缺

者王無異冬心為重撫神物乃一致未徵玉虹刻欣見稽留

字想其運筆飛揮洒出靈氣突如蛟龍躍赫若風雨至離披

裊藤蘿橫埽逞筆勢黑疑偃松狀白得亞帝意近楷並近草

更忘作分隸準鈎既遠勝重鐫翻不逮半壁落秋盦殘篆賸

巾笥誰知金司農迺達李都尉帖同傳硯重珍比藏經遺到

眼足稱福慶心乍知味書此豹斑餘聊以當題識 咸豐十

年庚申六月為故人子武筠莊壽齡題于濟州杖杜軒 越

峴山人宗稷辰 習坎心亭

金冬心墨梅花軸 瓶麓齋舊藏

紙本高四尺七寸六分闊一尺四寸三分老幹繁條蟠曲穿
插密花細蕊點綴紛披筆勢縱橫揮洒真所謂天矯離奇不

可方物也左角上長題墨色濃重筆意古茂

余游武昌西池精舍有池池上有梅花數株因留題云半影疏
枝夢不忘獨來松下設禪床酒鐺歌板多無用莫亂梅花好道
場月光明侶佛堂鐙池水生寒又結冰消受清香透毛骨除非
前世此山僧忽忽二十五年矣今追憶舊游復寫其貌冷香猶
在并錄前作以寄阿師于小四天下也吾家有恥春亭因自稱
為恥春翁亭左右前後種老梅三十本每當天寒欲雪凍萼一
枝不待東風吹動而始花也今僑居邗上結想江頭漫寫橫斜
長幅未知亭中明月窺人比舊如何耳并自度小詞一闋 恥

春翁畫野梅無數花枝顛倒開舍南舍北處石點苔最難寫
天寒欲雪水際小樓臺但見凍禽上下啼香弄影不見有人來
崔嗟忽地吹香到我家一枝照眼是雪是梅花 乾隆己

卯夏四月朔日時客揚州寓馬氏之玲瓏山館前薦舉博學宏

詞杭郡金農畫并題

冬心
山民

金冬心蕉林清暑軸

絹本水墨高二尺一寸五分潤一尺五分芭蕉三本脩竹數
竿岩石玲瓏筆墨淡雅右角下淡澹生真趣印題左上

蕉林清暑

綠淨僧窗夢不成芭蕉偏向竹間生秋來葉上無

情雨白了人頭是此聲

七十四翁杭郡金農又題

冬心
先生

金冬心梅花橫幅

紙本設色高二尺五寸濶三尺九寸枝幹墨寫花蕊紅渲染
豔寒香氣韵靜逸款右邊

客牕用玉樓人口脂畫之彼姝曉妝無道老奴竊其香奩而損

其一點紅也不覺失笑 七十四翁杭郡金農 諡金 丁巳

金冬心臨西嶽華山碑屏

紙本高四尺九寸四分濶一尺三寸五分計六幅每幅三行
行十二字烏絲方格自立宮其下至垂之于後都一百九十
六字較前冊少後十三字字小略小筆意無二款六字隸書

稽留山民金農

金農 紙表 印信 老生

三友堂投贈詩畫冊 瓶麓齋舊藏

紙本畫六開高七寸四分濶九寸六分詩三開計六頁高五寸九分闊三寸八分

第一開金冬心畫設色坡平石瘦周繞紅闌老松一株疎篁一簇屋角一樹紅梅二老者當軒坐對題左角上

三友堂說古圖 香祖先生精于賞鑒收藏甚富予得賂于吳門出宋元諸賢遺墨共相欣玩以廣生平眼界作此贈別并記

杭人金農 銛

第二開冬心畫設色溪水一泓坡陀兩岸略點綴樹木村落一人艤舟岸曲童子携琴書兩人橋頭作別款左上

吳門話別圖 丙辰春三月十有一日為香祖先生作于吳中

寓舍 金農 印信

第三開新羅山人畫設色清溪一曲疎竹千竿兩面巖石靈奇一人坐坡上敲側前橫一琴月初半露款左上

拂拭石上月逍遙橫素琴 丙辰孟夏為香祖先生寫于吳中

華岳

華岳秋

第四開羅兩峯畫設色寒水半池粉牆一帶竹籬數曲茅屋
三間庭前石筍高低一松一梅雜疎竹三竿筆簡而古一人
牆角獨步題右角上三友堂圖四字隸書

三友堂圖

幽居新卜築松竹映庭墀日對蒼髯叟時參玉版

師山光迎檻落花影壓窗篩到此塵襟滌烹茶且喫時 丁巳

夏五月十有一日為香祖盟兄寫并題即請政之 兩峰羅聘

羅

按穀年錄兩峯先生生于雍正癸卯至乾隆丁巳甫五歲然
此幀決非偽作兩峯為冬心先生高足冬心生康熙廿六年

丁卯有書畫印章可據卒無攷而有七十四歲所作畫若兩峰生于癸丑冬心年已五十有七至七十四歲兩峯年纔十八恐不及受業是疑年錄中必有誤存攷
第五開李復堂設色亂石磊砢巖厓高峻平坡老屋蘂竹蕭森一人屋內獨坐款左角上

丁巳仲夏之月復堂李鱣為香祖先生作東山高隱圖 跋

第六開玉几生水墨一池一屋一松一竹一梅參以數石一人立池邊簡淡古雅畫中至逸者也題左角上

野梅初破萼出郭訪禪林一徑入松影幾枝橫竹陰鶴鳴花院靜梵唄古壇深金粟思前夢臨風悵獨吟 客秋諸同人曾於

三友堂後軒集賞桂丁巳秋八月廿有二日玉几叟為香祖先生寫三友堂圖并詩請教 仙客

第七開詩印首紺寒閣

丙辰十月香祖先生後期入都輦下諸公深為悵惘因賦自嘲
絕句云聞說秋深始別家洛陽親友盡咨嗟荆南處士來何暮
不學仁山便白沙同人並有和篇余六次韵奉贈并祈是正

藤牽蘿罥緩辭家期悞尚書未足嗟薪續漁洋山裏火但炊雲

子不炊沙 涇東散人王時翔

時翔
之印 山小

陽春徧煦萬千家六合尊親絕怨嗟驚動少微占隱見也還携

笠拂塵沙 顧成天

成天
屋小

第八開詩印首江邨

甲寅夏五香祖先生膺舉鴻博獨後期不赴同人貽詩勸駕予亦並詠請正 羣鳳和其鳴一鶴凌風瘦纁帛豈不及膺薦實

稱首偶師孟公飲啣杯洽故舊拔孤登讓先操觚至獨後羣公領虛延同輩簡慚授斯人苟未與何以光文囿此意君靜領泊然貞素守握瑜洵足尚懷璧終抱疚長年卧東山名在鎮藩右掩鼻恐不免出處自有候 江村陸枚

陸枚印章 齋

第九開詩印首八萬千峯堂左角下白眉叟

甲寅仲夏香祖先生膺鴻博之薦猷後期不赴歌以勸之 鴻裁絕豔詞鉅學重疇昔甲寅當夏五首舉文章伯業與故人飲

陶然那能迫

考驗日蘇府姚公偕同薦沈確士令人到處邀請踪跡杳然

遂令嗜玉人不見

連城壁

是日三院待久不至同薦孫叶飛謂斯人不出何以為此局增光

漢家重賢良蒲輪事

徵辟君亦安得辭東山謝安石

七月既望天台侯嘉繙拜稿

于吳趨寓齋

嘉繙門吏

李復堂花卉冊

紙本十二開高八寸濶一尺八分
第一開水墨梧桐一枝上棲二雀幹下斜題

同到白頭

李繹

堂復

第二開水墨梅枝上息一鵲幹下斜題逆讀

喜上眉梢

繹印

第三開戴玫瑰一叢左邊題

白玉花清紫玉溫殘霞幾點亂烏雲賣花聲起香初膩要近盤

頭髻裡聞 清和天氣作玫瑰數枝戲題一絕 復堂

復堂

第四開設色王瓜扁豆番瓜菊四種上題

李文靖公為相同年馬亮責之曰外議以公為無口瓠公笑曰
吾居政府無長才但中外所陳利害一切報罷聊以補國耳今
國家防制纖悉密若凝脂苟循所陳一行之則所傷實多檢
人苟一時之進豈念於民耶 沈啓南隨意點筆瓜瓠妥當具
見蒼老予於友人處見其真蹟歸而臨之并錄宋史 苦李

第五開設色一瓜中開葉蔓猶在右邊題

不去空山采蕨薇梳風沐雨夏畦肥綿綿衍蔓青門裏莫遣黃

臺四摘歸

懊道人

李若

第六開設色罌粟花二莖左上題

零亂春風粉蝶忙此花豔麗更齊糧杜陵野外無供給應向簷

前拍米囊

李鐸

揚宗

第七開設色春笋櫻桃梅子右角下橫題

筠籃新摘寫於柳風麥浪之間

復堂懊道人李鐸

字宗揚
號復堂

第八開水墨一花瓶中插蘭蕙右上題

夏淺春深蕙作花一莖幾蕊亂橫斜雖然不及幽蘭品百晦齊

栽願六奢 雍正甲寅小春月李鐸寫於清池皓月禪房

復堂

第九開設色花左角題

洞口春宜黃四孃金釵斜倚髻絲長自從移種元都觀撒却風

情作道粧

懊道人李鐸

慎

第十開炭盆一上置茶壺旁插火剪盆左下題

火候

復堂

第十一開設色游魚荇藻左邊題

魚自脩、月自圓空、妙手說龍眠道人閱罷啣杯笑正讀南

華秋水篇 雍正甲寅春客里門僧舍籬落溪光便可作濠濮

觀也 李鱣 楊宗

第十二開設色雁來紅紅黃二種水墨作石左邊題

翔為南來塞草秋未霜紅葉已先抽綠珠宴罷歸金屋七尺珊

瑚夜不收 雍正甲寅春夏堂李鱣 楊宗

李復堂杏林燕子軸

紙本設色高三尺五寸濶一尺三寸五分弱柳數條杏花掩映燕子渡、或翔或集左上題

臨風作態筆端尋無限烏衣報好音欲畫堂前多燕喜花光柳

韻與春深 乾隆六年四月復堂慎道人李鱣 楊宗

華秋岳人物花卉冊

紙本十開高六寸三分潤七寸四分首副頁二開題天趣飛翔四大字後題新羅山人於六法各臻妙境每一涉筆合乎古人而離于古法自出機杼一種秀逸之趣從肺腑間流出世有目者當共賞也壬子十月黃鞠題并識

第一開設色老樹一株一叟坡上臨流趺坐膝上橫琴左上題

橫琴面秋水

華秋岳

第二開設色橫坡翠石細竹幽花一美人携扇緩步上橫題

雨後肥姿十分精色

華秋岳

第三開設色崖石峭立雲氣橫空一人看雲坡上款右

雲起一天秋

華秋岳

古緣萃錄

馬十三

世

澄蘭室

第四開設色疎籬小樹一老者笠屐扶筇童子抱琴款右工

做元人東坡先生躡屐圖

岳秋

第五開設色樹枝下覆一狸奴卧苔上題左邊

小雨烟中睡藥闌

岳秋
岳華

第六開設色一瓜倒懸葉萼相繞題左角橫

分明記得坑儒事漫向驪山問種瓜

岳秋
岳華

第七開水墨秋海棠一莖一靖蜓飛花上題右邊

澄懷觀物化

岳秋
岳華

第八開設色野竹微花一蝶飛弄題上橫

東家蝴蝶西家飛

華

第九開設色秋柳一枝葉漸黃脫一燕栖上作瑟縮之態題
右上

秋聲圖

秋

第十開設色水草微黃上伏一蟲一鷺立水際左上題右角
下布衣生左角下蔣伯生珍藏印

壬子秋日寫于邗江客次

華
秋

秋岳先生真奇士果然士奇畫亦奇不是先生多別致大都
時世太時宜 壬子冬日吳趨客窗觀并題 花南舊史張

每觀秋岳先生畫寒香古豔令我塵眼一沁 渭長
通

華秋岳解鞍圖軸

紙本設色高三尺六寸九分濶一尺一寸三分坡上垂柳數
條雜以小樹面臨溪水上橫小橋一人下馬倚鞍風致潇洒

題左上

解鞍敲枕綠楊橋杜宇數聲春曉

新羅山人寫

鮮布衣

方環山仿古山水冊

紙本八開高七寸一分潤五寸八分
第一開設色秋林疎落葉雜丹黃坡前一鶴昂立題左上

鶴林秋社園用李營邱法

方士庶印

第二開水墨崇巖峭壁窄徑危坡雲樹中露樓閣一人肩擔
而登脩篁一簇松蔭千重右上題

撫吳仲圭筆法

方士庶

方士庶印

第三開設色峯巒葱翠林木新陰山麓樓閣烟雲橫互溪邊
柳色一舟蕩漾波中題居中

春山欲雨園仿趙承旨法

方士庶印

第四開設色巖厓層疊灌木陰濃屋宇臨溪遠山一帶筆墨清秀異常題右上

綠陰清畫 法洪谷子筆意 方士庶作

山環

第五開設色岡阜陡峻松柏高低坡上茅亭一人獨坐遠山遙對雲氣低環題居中

做劉松年間亭逸士圖 小師道人畫

山環

第六開設色峯巒清潤雲靄迷濛竹樹深濃溪泉曲折一人槁頭緩步題左上

夔山烟靄

做高尚書意

小師道人

山環

第七開水墨林巒濃厚岩壑幽深古寺中藏溪橋高跨二人緣坡對話于明漪蕩漾之間題左上

烟嵐山色

仿黃公望大概

環山居士

方士庶印

第八開水墨密布層巒中懸瀑布溪水澄澈岩樹杈杈一人扁舟盪槳右上題

溪山漁隱

小師道人仿董北苑筆法畫于天慵書館中

方士庶印

小師道人畫法出黃尊古之門得其秀潤居多臨古之作功力深邃微嫌筆力少弱故氣魄落小畫傳稱其中壽而夭蓋其天資高絕而學力尚未臻極也

方環山仿古山水屏

紙本四幀高七寸九分濶九寸八分原本當是冊頁散失改裝為屏耳

一幀水墨一峯高起遙岫相銜雲樹迷離筆意渾脫右上長題左角下偶然拾得墨印

米元暉畫法高房山能入其室畫家第以水墨排點絕不知乾濕濃淡不可關一妄自拈筆而謂之臨撫二公恐二公不肯受也此作誠不能得米高十分之一然必渲染十餘次竭兩日功

夫而後成就也

庶士

一幀淡設色一嶺高橫叢林密布人家隔岸遠山接天一人扶杖坡間茅亭前列題左角上又一段在前右下偶然拾得

環山居山妄擬梅花道人意自許无學吳習氣

庶士

畫來氣韻未足復以色足之却似北苑著色山水矣

一幀淡設色峯陀盤曲樹色蒼茫雲水空濛畫法荒率右上題右角下偶然拾得

王朴明正蹟曾見數本都未摹倣此已意為之然用筆則宗

此老洵遠

庶士

一幀水墨溪山淡遠林木清疎皴染渾融意在以高超取勝右角上題左角下偶然拾得

長溪南路當羣岫半景東林見數家
天慵齋主是日登南城

望江南山晴巒在目燈下為此 庶

四幀無年月當在前冊之後氣韻已較精進矣

董東山山水卷

紙本水墨高一尺七寸二分長一丈二尺七寸八分紙二接
入手清溪遠岫矮樹扁舟漸次雲嶺高橫山亭陵峙林間屋
宇兩：安排中路岩石雄蟠峯巒遙映山房水榭雲影波光
入後徑外松崖坡前蘭若山勢復起溪水重連列嶂遠銜烟
波無盡通幅筆力雄健氣魄沈渾自是大家舉止後款在角
下

臣董邦達恭繪

臣董邦達

以管而竄

董東山山水冊

紙本十二開高六寸九分潤九寸七分首開工有乾隆御覽
之寶末開上有石渠寶笈二璽題字俱小隸書

第一開水墨遠山一帶烟水蒼茫坡石上隼松高撐軒堂空
曠右角下題

松谿清籟

第二開設色山青水秀巖岫參差楊柳沿堤書堂深護氣韻
深厚筆墨清華右角下題

深柳書堂

第三開水墨峯巒競峙屋舍分排萬壑松濤滿山烟靄章法
細密筆意深濃右角下題

松塢雲莊

第四開設色溪山平遠林木蕭疎一水空明夕陽淡冶用沒
骨法賦色清麗雅韻欲流題左角下

亭皋暮靄

第五開水墨遙巒起伏溪水鋪平老樹長松平坡巨石一人
臨流緩步右角下題

臨流覓句

第六開設色層厓陡壑紅樹清溪臨水茅亭蘆花滿岸深山
秋老點染鮮妍左角下題

紅葉邨亭

第七開水墨林巒濃厚巖壑幽深雲外遙峯重々插漢溪上
人家對岸密樹陰森筆墨極為清潤左角下題

翠微深嶺

第八開設色清豁一帶沙岸遠橫碎石疎林青蒼欲滴一人
扁舟野渡風景宜人左角下題

秋林晚渡

第九開水墨厓厓突兀林木槎枒屋舍臨溪烟嵐映水布置
周密筆意清腴左角下題

灌木迴溪

第十開設色石笏挂天桂花滿樹月明屋角夜色蒼茫氣韻
清空筆墨秀逸右角下題

金粟涼蟾

第十一開水墨峯陀並峙溪水迴環遠岫平橫長橋低跨一
人獨步景色清幽右角下題

溪橋待月

第十二開設色層巒雪積萬木風蕭古寺山坳扁舟水際寒
泉幾曲雲湧遙天左角下題

雪谿暮寺

臣董邦達恭畫

臣邦達

此冊乃祖父成親王所分賜者上有乾隆御覽等璽為世所
罕有之品今英緒得而珍藏用以傳子孫永寶節

董東山山水軸

紙本水墨高二尺四寸五分闊一尺二寸四分遙山隔岸叢
木臨溪嵐氣蒼茫橋形略約筆墨沈鬱氣韻渾融左上題

淥水疑成輞青山或是廬小橋流落辮野屋隔荒渠雲外雁聲
遠樹陰漁網疎此中塵不到風俗似巢居 東山董邦達繪并

題

臣邦達印 文學侍從

有水有山有樹宜晴宜雨宜陰安得素心好友扶筇載酒鳴
琴 吉林觀保 解書敬

層疊遠山分向背蕭疏古木列高低小橋幾曲通幽徑知有
人家斷港西 桐山張若澄題 湖北何某

文怡公山水 觀補亭張鏡壺題 誥敬藏

董東山松筠仙館圖軸

絹本水墨高二尺八寸七分闊一尺七寸八分巖壑渾厚密
阜叅差疎竹長松掩映坡上溪流圍繞館榭層：題左上

松筠仙館

仿北苑筆意

董邦達

印漢

董東山山水軸

紙本水墨高四尺三寸四分濶一尺五寸八分崇山峻嶺絕壑深林樹蔭森濃溪流縈繞布置嚴密筆意老蒼上有乾隆御覽之寶款左角下

臣董邦達恭畫

臣邦達印 翰

蔣恆軒蘭花竹石軸

紙本水墨高三尺五分濶一尺六寸七分石邊疎竹坡上幽蘭風致高超筆意疎秀款左邊石上右角下那氏蘭汀珍藏書畫

勁節比幽竹清懷並素蘭紉為君子佩空谷照琅玕 乾隆丁

丑三月十一日蒙 恩再許歸里小齋植蘭數本庭中幽竹幾

竿殊饒幽趣寫此以誌時日

恒軒蔣溥

雙槐居

軒

錢籀石益壽圖軸

紙本設色高三尺九寸七分濶一尺九寸六分畫石皆以墨鈎菊花一叢九種疎密相間花皆盛開石旁雜以篠竹細草筆墨洒脫亦復大氣盤旋款右上右角下籀石書畫

益壽圖 丁未九月百福庵八十老人錢載

錢

萬松居士

錢籀石蘭石軸

紙本水墨高四尺七寸四分濶一尺四寸疎竹掩映蕙草芬芳皆凌風敲側石骨突兀老筆紛披昔人謂籀石畫石有飛白法觀此益信款右上右角下上元甲子

籀石載仿古

錢
壺載

錢籀石墨梅橫幅 瓶麓齋舊藏

紙本高八寸四分長三尺四寸八分梅花一樹枝幹橫斜墨色清腴筆意淡雅題款後花上

楊補之暗香疎影圖畫法為衡齋詞長先生寫 籀石老人錢

載 石籀

米堆烟雨點空濛山影漁洋貌正同莫認禪房春草夢墨痕泥著舊詩筒 東吳老去日鈔書誰記巡簷索笑初鐵幹月明神耿々此心不寐正闌渠 繾綣幽人意不傳蘇齋詩味即寒泉石帆句又逢丁巳上番春風百廿年 漁洋題孝章梅在丁巳也今為衡齋先生屬題籀石翁墨梅卷時丁巳夏六月書此三詩以歸之 翁方綱 漢蘇

錢籀石各家花果小品冊 瓶麓齋舊藏

紙本水墨九開高五寸七分濶九寸二分 第一開牡丹款右工

古緣萃錄

易十三

共

澄蘭室

百福庵八十老人錢載錢載

第二開 梔子款 左上

八十老人載錢載

第三開 水仙款 左上 左角下 少宗伯章錢載二印

八十老人載

第四開 山茶款 右上

八十老人載錢載

第五開 芙蓉無款 右角下 棠陽伯子鉏月山人二印

第六開 枇杷無款 左邊 景星印 得天氏

第七開 螳螂小草無款 左邊 許清漣印

第八開 佛手柑無款 左角下 靜庵連印

第九開香榭萼薺無款右角偏下許清連印
籀石翁墨花四頁兼有白石白陽之勝鉅月山人及許靜庵
花果草蟲亦精雅可玩近日廠肆如此等小品亦不多覩矣
同治辛未九月振甫偶識
籀石洒落靜庵工緻鉅月山人清潤得天一頁雅近籀石翁
要皆無意求工故各得天趣

勵滋夫常山峪八景圖冊

紙本水墨八開高三寸五分濶二寸三分上頁藏經紙小楷
書御製常山峪八景詩各五言絕句一首詩下皆註景名
臣宗萬敬書二小印末頁詩下勵宗萬敬錄臣宗萬印
第一開山峯起伏蹊徑幽深枯樹層層一人坡上獨步右題

綠穢徑

宗萬

第二開一峯中峙雲嵐下橫坡樹陰中軒堂高敞右上題

虛白軒

已

第三開重岩盤曲樹色圍繞一徑紆迴漸入山裏右上題

青雲梯

萬

第四開峰厓幾曲樹影蕭疏遠岫遙橫清溪平漾左上題

楓香阪

卅

第五開峰陀迴抱岩壑重深坡上藁林一堂空曠下臨絕壁上峙懸崖左上題

蔚藻堂

卅

第六開軒廊曲折庭院清幽梧竹烟含一鶴昂立右上題

如是室

萬

第七開溪山踈落竹木深幽一堤中橫筆致蕭洒左上題

翠風埭 凡

第八開峯頭奇峭一亭高撐徑曲通幽樹高夾峙天風雲影一覽皆低左上題

陵霞亭

萬宗

勵宗萬恭繪

萬宗

恭繪

余所藏畫冊以此冊與項孔彰山水一冊為最小勵靜海初無畫名而畫特精妙筆意在唐靜岩闕晉軒之間而氣韻過之此等小品置之案頭最便摹玩亦猶書中之精楷也

張晴嵐羣仙祝壽軸

紙本水墨高三尺九寸潤一尺六寸五分坡石突起一松屈蟠坡間野竹數枝水仙數莖花葉準鈎筆意疎秀古角下爐烟當畫引揮毫款右上

羣仙祝壽

張若靄

張若靄

古緣萃錄

与十三

早

澄蘭室

馬退山王母蟠桃軸

絹本設色高五尺一寸五分濶二尺六寸八分畫王母捧一蟠桃高与人等後立一鸞展翅欲舞題款左上

蓬萊弱水三十里王母蟠桃一萬年鳳鳥自歌鸞自舞直教啣

到壽尊前 乙卯桂秋八十二老人馬昂

馬昂
氏雲工

陸朗夫山水冊 瓶麓齋舊藏

紙本水墨十二開高六寸五分濶七寸八分
第一開林巒鬆秀筆墨超脫左上題

吳江切問老人寫時年六十有二

陸耀

第二開溪山清潤林亭蕭疎左邊耀印
第三開峯岩雄峙江山曠闊右邊耀印
第四開峯巒高峻筆墨洒落左上款

朗夫
耀

第五開一峯特立數樹高撐右邊陸耀印

第六開兩山起伏筆意淡遠左邊耀印

第七開數屋臨流遠峰平迤左上款

吳江陸耀
陸

第八開兩峽壁立一舟順流右邊上陸耀印

第九開林巒深秀筆墨清疎左上款

朗夫
耀

第十開遙巖一帶枯柳臨坡左邊款

耀
陸

第十一開雪積滿山水天一色右角下陸耀印

第十二開渾梧高峙雲氣中橫右邊下款左角下裏陽印

朗夫耀

鄉先達陸朗夫先生以經濟名臣公餘揮翰山水高妙從宵中自在流出無意求工足使專門名家變色却步畫中神品先生有焉願世不多見此冊十二頁超然畦町之外展玩數四令人胸次豁然丁巳元旦試筆邑後學楊炳春敬跋

傳凱亭鍾進士軸

絹本設色高二尺一寸九分闊九寸二分鍾進士坐石上點綴松泉石壁有數鬼伏地叩頭右下款上有二題

凱頭陀傳雲指畫

傳雲字凱亭字香嶠

胡應麟筆叢曰六朝已有鍾馗後人附會作傳如北史及唐人張鍾馗諸取名者皆以神為名也據諸說則鍾馗之名又

非始于開元

錄舟文

撫言溫庭筠貌甚陋人呼為溫鍾馗

永

吳越王孫

凱亭閬陽布衣指畫法高且園鄭板橋有贈詩見古檀詩話

澄蘭室古緣萃錄卷十四

古虞 邵松年輯

國朝

張篁村雪景山水軸

紙本設色高二尺四寸九分闊三尺一寸七分峯巒奇突岡阜蔭崑枯樹長林平坡絕澗遠山雲際積雪層空畫法全仿營邱筆力沈雄氣勢渾厚絕似麓臺摹古之作上有乾隆御題七言絕句一首款左角下

臣張宗蒼恭繪

張宗蒼

張篁村焦山罔軸

紙本水墨高七寸六分闊一尺一寸二分上題一方高一尺八分闊一尺一寸三分有題一紙高一尺四寸三分闊二寸

古緣萃錄

古虞

澄蘭室

四分下題一帋高三寸六分濶六寸三分畫焦山峙立江心
旁列二小山樹木蕭森寺宇排列江中兩舟近岸是焦山南
面景狀筆墨頗為濃厚左邊題左角下雪泥鴻爪長沙周氏
鑑藏右角下寄雲北平季子二印

甲子初春夢堂主人招游焦巖醉後寫此留贈曙霞道人以誌

一時游跡

吳郡張宗蒼

然偶

此甲子歲與諸君涉江雅集張篁村所作焦山圖也憶是日
余與篁村步江留宿曙霞閣中夜半酒醒見燈火熒々乃篁
村以詩有未慙處猶苦吟未寐余呼步江起索其詩讀之相
與欣賞不已不知東溟之日忽已紅滿僧牕矣今筆蹟猶存
篁村步江已化為異物言念老友不禁作數日惡
月二十有一日夢堂老人題於京師之古青山館庶 丙戌七
歲之

江天嘯傲

乾隆甲子初春小集焦山會者七人放情邱壑流

連觴詠各得六魚韻詩一首張墨岑復為寫焦山小景錄詩其

上留之山中較昔人之留玉帶固為寒儉若以語雅人深致山

靈當亦領首耳 春江翦破曉晴初仙吏招尋古隱居拳石垂

天開雪浪雙峰瞰海抱精廬捲簾花氣題詩後著眼烟嵐灑墨

餘時余與曉村作畫良友名山恰相值半生游願已全除余南北往還嘗欲登此山

而未墨岑張宗蒼

明府風流宦興踈高華才調敵劉徐潮生孤權來蕭寺路繞

雙峯問隱廬海國梅花春尚早江樓詩卷夜何如酒杯名俊

流連好心事於今倦曳裾或庵陳璋使君興發及春初暇日携羣卧治餘招隱歌詩調玉軫行厨

置酒解金魚巖扉野竹含沙暝江閣官梅暎月虛星自雲霄

偕漢客寫成雅集祕蝸廬石帆張曾江洞梅花破曉初好風隔岸駐輕輿海春三日邀仙尉嶺雪

雲山外學士重來意有餘

游疊鮑皋

春波江上雨晴初楊柳東風掠髻踈嵐氣當窗濃復淡雲容

過眼捲還舒才人彩筆三生案仙吏青山一峯書處梅花

香法藏閒吟八詠意何如

曉邨張琪張棖

海國披襟過雨初梁園尊酒借僧廬山空潮益鐘聲近江暖

春含樹色虛幾日縱游魚吏隱百年高興滿樵漁知公盛業

滄洲在好出龍門著後書

臺淙陳深之序

樹裏蒼巖墮碧虛風前岸幘俯南徐江分春漲已天雪門卧

羣峯漢士盧才比長康真歎絕

誼客均長歌傳平子正愁餘

墨岑甫自吳門視其長

公孫獨咲常垂翅每到林泉憶遂初

漁陽英廉

廉堂夢

江天咫尺放園初幾輩詩人共室居此會曾叨丞相飲何緣

竟別遠公廬蓬生氣拈毫際草流光過隙餘留語他年

珍襲者世情爾我見應除

疊張篁村先生題焦山園原韵

觀跋語此園舊是山中之物不知何時竟到人間又不知幾

經轉徙乃為漢江葉崑臣持贈於僕也一紙足欲靡定若此

世態可知僕於書畫名蹟酷好收藏每藉題識印章存其姓

字非云自私聊為它日有僕之有者打破癡夢耳

道光十

九年戊戌初冬九月北平李季雲并記
耦檢斯圖見舊緣滄桑世事意茫然名山歷劫交期斷一紙

相依廿八年
同治丙寅四月寄雲重題
之思

四十年前打棹初江天回首感離居披圖恍入支公座吊古

誰尋處士廬故相琴尊佳客聚名山樹石刻灰餘老來萬想

都無繫祇有清游興未除
光緒六年庚辰秋日偶檢此幅

振觸舊游和寄雲前輩韻鴻爪留泥不值後來一笑也長沙

自道人周壽昌時年六十有七
食白

唐靜巖仿古山水冊

紙本十開高八寸闊五寸四分

第一開水墨仿北苑右角下柳泉鑑賞左角下竹朋真賞題

左上

法董北苑遺意 唐岱

第二開設色仿華原題左上

臨范華原

唐岱

唐岱

第三開水墨仿米題左上

米海岳墨法

毓東

毓東名岱

第四開設色仿大年題右上

做大年設色

靜巖岱

毓東名岱

第五開水墨仿子久題右上

摹大癡道人筆法

唐岱

唐岱

第六開設色仿松雪題左上

倣趙承旨筆意

靜巖

唐岱

第七開水墨仿杅明題右上

臨王杅明

唐岱

毓東名岱

第八開水墨仿雲林題右上

倣高士筆意

唐岱

唐岱

第九開水墨仿仲圭題左上

摹梅花庵主筆意

毓東

毓東名岱

第十開水墨仿營邱右角下竹朋珍賞印對幅左角下李佐賢收藏書畫之印題右上

癸卯秋日摹李營邱筆意

靜巖唐岱

唐岱

毓東山水淵源司農極邈 睿賞但功力甚邃氣局未宏嘗見其畫某山各景冊渲染渾融氣韻秀逸為生平極徑意之

古緣萃錄

馬十四

四

澄蘭室

作程六庵水部贈去此冊利津李氏所藏皴點細密布置精工微嫌筆墨之間未能處之生動耳

鄭板橋墨竹軸

紙本高四尺六寸闊一尺八寸六分筆力勁達風致蕭疏能為此君寫照者題右邊偏下

曾栽密々小樓東又聽疎々夜雨中滿硯冰花三寸結為君圖

寫舊清風

板橋鄭燮

鄭燮
進士

鄭板橋楷書軸

紙本高二尺一寸五分闊一尺三寸二分六行楷三行款一行筆勢古雅奇而不詭于正印首二十年前舊板橋

桑蠶苦女紅難得新忘故後必寒 辛巳仲冬板橋鄭燮

鄭燮
之印

板橋先生書畫風流倜儻豪邁多姿而偽跡寔多余收得書畫兩軸楹帖一付皆屬真跡尚有小冊一本集裝呈詞批語並標日等字亦頗別致殆當時好事者所為也

曹地山行楷卷

紙本高一尺二寸九分長九尺五寸六行楷連款廿六行行四五字後題小行楷十一行行九十字不等印首移晴

春日藹暄景春風釋寒冰春雲盡遙野春樹被高凌送春憂以
悄懷春鬱然興望春情孔匱留春力難勝防閑春心蕩慙思春
氣升訝得春光滿喜見春色勻龍蛇起春蟄草木迎春新莫辨
傷春賦方逢賞春人 乾隆癸酉二月春分候新建地山學人

曹秀先書第三卷

秀先
冰持

西清
翰墨

書此詩三卷其一卷為侍御九顓齋索去此卷昭復六姪見之
似有悅色而憚于開口余惟慷慨踈財者厚遺友朋况兄之子
而忍吝數行字也付之其裝潢成一好卷子傳諸子孫得悉地
山翁宦春明時楮墨生涯猶復不俗云尔 鹿門子記

地山
主人
僊

高南阜九如頌圀屏

紙本原冊十開五圀五頌頌隸書改屏五条每条一圀一頌
每頁高九寸二分闊一尺二寸七分

第一幀設色山阜縱橫岡陵起伏高嶺上點綴一塔數屋鈎
勒勁峭疑為指畫題左下阜上頌另幅裝于上餘全

九如圀圀之一頌之一至四 鳳翰製

鳳翰

九如頌 如山如阜如岡如陵第一 既崇既高既厚既固惟

德是基宜尔百禄

鳳翰

高鳳
翰印
生有
印癖

第二幀設色巨石牙撐川流縈繞奔騰湍急如聞其聲題右
角上

圖之二頌之五

鳳翰

翰

如川之方至頌第二

百谷有王朝宗赴之是引是納衆流助

之

鳳翰

西亭
亭長

第三幀設色波浪掀天一輪紅日岸邊點染小樹曉色明麗
題左上橫書

圖之三頌之六

鳳翰

南

如日之升頌第三

中天之麗萌光始此無高不卑無遠不邇

鳳翰

西園

第四幀設色翠崖壁立金粟香濃新月一鉤烟雲無際題右偏上

圖之四頌之七

鳳翰

圖西

如月之恆頌第四

維我生明出偏長庚善退而進善虛而盈

鳳翰

高鳳翰印

父圖

第五幀蒼松翠柏蟠曲低偃氣勢葱鬱筆墨豪橫題左上橫書下又一行右角上橫題一段

圖之五頌之八頌之九

乾隆丙辰製圖丁巳補寄

鳳翰

頌之取象者九括以圖分合寫之者五類送之義亦取集福之數焉圖作于丙辰寄于丁巳兩歲之間凡歷十有一月始得附達計其到時當在三四月又且淹近百日遙南天引領何盡

臨題馳戀莫可為懷矣 丁巳正月上元後二日記 鳳翰拜

手拜手

南

如松柏之茂頌第五 中蘊厥精乃發其榮徂徠之秀新甫之

英

鳳翰

能不

乾隆丁巳九月九日拜手具

天祿

西

園為寄祝人壽而作喜其不著上款每值堂上壽辰稱觴晉祝懸之廳事以寓天保之意甚雅觀也園跋丁巳正月上元後二日記頌後又書丁巳九月九日拜手具或是丙辰之誤否則足預題以合九之義焉或其人重九生辰亦未可知

邊頤公蘆雁冊

紙本設色八開高七寸七分闊九寸七分每頁另有綠絲畫界分記名開之內外簽自題邊壽氏蘆雁戊辰

第一開界高五寸二分闊八寸五分蘆荻滿灘兩雁浮水上昂鳴一迴顧羽翹相依題左角上

古緣萃錄

馬士

七

澄蘭室

壽民

頤公

第二開界偏右高五寸六分濶五寸五分蘆花橫亞二雁息沙灘上一立彎頸昂鳴一伏瞑甯插翅間左上題

荻港蘋洲歸雁此景老夫困慣愛雙飛依水曲沙際宿寫到江

天寥廓動秋思又題詞

西溪子

壽民

疇

第三開右半頁界高六寸一分濶二寸九分蘆荻風敲一雁飛來欲下題左邊

凌風一舉

葦間居士

疇

第四開統扇式界高六寸八分濶如之蘆花映水二雁浮水上展翅欲飛一俯啄水中題右邊

壽民

疇

第五開右半頁界高五寸三分濶三寸五分蘆花傾側二雁集沙際一昂立一回首俯啄題左上

湘雲湘水映空明宿霧新霜陰復晴楊柳岸蓼花汀接翅飛來

不住聲 調漁父 葦間居士

公頤

第六開界高五寸八分濶八寸四分蘆花蕭瑟烟水空濛二雁飛鳴欲上題左上

蘆荻蘆荻影動半江斜日旅鴻著意隨陽健翮豈嗟路長長路

長路回首塞垣何處 調轉應曲 壽民

公頤

第七開右半頁界高六寸濶三寸七分蘆荻倒敲沙上四雁一俯啄二梳翎一迴盼題右上

壽民

公頤

第八開界高四寸九分濶八寸一分蘆花雪壓天色陰濃沙岸四雁一梳翎一癡立一迴啄一縮頸而瞑有寒瑟之意題左上

雲幕：一抹江南江北玉屑霏：疎又密灘頭知幾尺地老天
荒奚適且就蘆邊休息轉眼西風開霽色青霄看健翮 調謁

金門 戊辰秋八月邊壽民 壽

頤公淮安人善蘆雁江淮間頗重之嘗語其友王孟亭曰我
以畫為活今年六十老將至矣為置一篋外圓內方虛其腹
封而竅之及吾手能為時得佳者入竅而實諸以備我老名
奔篋孟亭為文記之此冊自題簽標干支是奔篋中物也

邊頤公蘆雁軸

紙本設色高三尺一寸九分濶一尺六寸六分蘆花數莖兩
雁一立沙際一迴翔欲下題左邊

壽民 頤 壽

邊頤公菊花軸

紙本設色高二尺五寸五分潤一尺三寸三分巨瓶一具中
供菊花三四枝花瓣略染淺絳淨白易大意題左上

分得東籬好秋色紙窗髹几靜中看 壽民

公頤 壽

于仲常臨古法書冊

紙本十開高六寸七分潤八寸十行烏絲直界

第一開楷書八行：十四五字後題隸行四行又小字三行

右黃素黃庭經宣和題為右軍書米南宮云是六朝人作趙松

雪以為出自楊許吾鄉王損庵先生考訂為楊羲書跋而刻之

爵密齋帖王虛舟先生汪文端師皆從其說二公並當代大書

家所鑑應不妄耳 二公各有臨本嘗於表文達公所得觀亦

名跡也敏中并記

第二開草書十行、十一二字後題

索征西月儀帖

第三開艸書十行行九字後題

孫參軍書譜

第四開行楷十行行八九字後題

魯公送太沖序

第五開楷書九行行七字後題

楊景度韭花帖

第六開行楷九行行九字後題

端明尺牘墨蹟

第七開行楷十行、十一字以上後題

東坡龍井詩

第八開行楷十行行九字後題

涪翁詩帖

第九開行書九行行七字後題

海嶽寄詩帖

第十開行楷十行行八字後題

松雪書邵庵詞

古緣萃錄

馬士

十

澄蘭室

此冊末有剝頁二開是臨古未竟之作文襄本不以書名此十頁用筆圓渾凝重亦非後學所及也

上官竹莊山水人物冊 瓶麓齋舊藏

紙本十二開高八寸濶六寸二分
第一開設色坡上一松女蘿附之五老立其下携一小童一老與一童展卷觀圖題左上

五老觀太極 八十三叟竹莊官周 官周 文

第二開坡前一柳枯垂一叟扶幹立水墨画人面略染淡赭題右上

竹莊上官周寫於晚笑堂時年八十三 官周 文

第三開設色懸崖飛瀑黃葉長坡一老者溪橋獨立一童子隨題右上橫

溪橋獨步 上官周 官周 文

第四開設色 雙柳迎風一叟乘雙輪車一老推之題右上

五柳歸庄 八十三叟上官周 官周 文

第五開設色 老樹荒蘆漁舟拍岸一漁父坐斟一立船前舉扇叉手畫水波一筆描頗有別趣題左上

漁樂園 竹莊上官周 官周 文

第六開設色 危崖列嶂岩樹蒼黃二人登巔看瀑一叟扶杖橋邊童子後隨題偏左橫書

匡廬飛瀑 官周 文

第七開設色 孤松疎落蘆荻荒寒二老者石上跌坐飛雁一行自上而下題右上

平沙落雁 竹莊上官周 官周 文

第八開設色 三老騎驢一人肩擔右上題

秋山行旅圖

八十三叟上官周

官周
之印 文

第九開設色松陰屋角檐外藤棚一叟據案繙書一老持杯
旁坐後立一童題左上

秋日讀書

竹庄上官周

官周
之印 文

第十開設色樹色蒼黃一農夫荷鋤牽一牛左邊偏上題

秋林歸牧

官周
之印 文

第十一開設色數峯矗立一樹孤撐一叟携一童石巔觀瀑
題右上橫書

山高水長

上官周

官周
之印 文

第十二開設石倒懸鳴泉石下一老者斜倚石上聽泉旁植
兩樹石徑層層題左上

不負青天睡這場

官周
之印 文

竹莊閩人乾隆初布衣晚年游粵畫名頗盛此冊隨意著筆極有風趣逸品也

張古漁仿古山水冊

紙本八開高四寸八分濶三寸六分
第一開設色峯巒遠近蒼翠欲滴清溪紅樹點綴清幽雖屬小品自有方丈之勢題右上左角下玉川小隱

大癡浮嵐暖翠大幀曾借撫此景略得其意 古漁治

張古漁

第二開設色一峯崇峻氣勢渾雄遠岫清溪疎林密樹遠近映帶濃淡皆宜題左上

井西老人儗金園蒼渾靜密夔然澹古未易得其神韵因戲撫

此不識於古人筆墨有合否 張洽

張古漁

第三開設色峭壁直立遠峰競起山居幽靜林蔭迴環前臨清溪後列遙嶂題右上至左橫書

萬木森秋澗羣峰俯碧流溪聲聽不厭清韻滿高樓雲外孤亭
迴烟中曲磴浮結廬多逸興領取萬木秋 庚辰秋夜寫疎林
環翠半壁殘山相佐頗覺蒼老自在耳 張洽

張洽

第四開水墨寫米家雲山遠山一角略染微青左上題右角
下玉川小隱

墨華開洞泉山靈應起舞身居烟翠中夜聽蒲湘雨 青籊古

漁張洽

第五開水墨梧竹夾溪一峯孤立清泉蕩漾淩鶴蕭閑崔頂
兩點略染微紅題偏右印首玉川小隱

瓊島遙空珠樹林繚坵高護即雲岑蒼苔濕處逢孤立朔雪深
時悵獨尋尚有池臺供俯啄空無崑閬更揚音一聲清警三霄

露夜月風前萬里心
古漁并識

張

第六開水墨雙巒對峙層崖前橫曲徑層上雄關中鎖斂法
沈著意境超脫題右上角下古漁

磴道似螺旋層樹倚蓋圓振衣應得地千仞陟蒼巔
庚辰中

秋夜月薄醉寫此自覺蒼莽有天驥騰空之勢
古漁張洽

王

第七開水墨灘畫遠近一片明湖坡上五松中雜小樹枝幹
疎落釵影清鬆題右上左角下古漁

寫松窠易工綴最難士氣必須率略而成少分老嫩正反雖極
省筆而天真自得逸趣自多庸人終不取雅士終不棄勛之勛

之青筍古漁張洽

王川
小隱

第八開水墨山崖積雪溪水凝寒林木荒涼天光黯淡竹籬
一帶中矗層樓巖染赭色以襯雪天題上右至左橫書

古緣萃錄

与古

十三

澄蘭室

雪霽雲猶凍山寒樹自花空青收疊嶂殘白斷陰崖 乾隆庚

辰季秋仿舊人筆意作小景八幀雖不能窺其堂奧然亦不出

藩籬所為學步邯鄲也

張漁

王川喜用枯筆每苦不能腴潤此冊點染精到當是生平極得意作跋語中頗自負畫雖一莛亦得失寸心知也

錢茶山仿大癡山水卷

紙本水墨高六寸四分長六尺起手山坡數屋竹木蕭疎遠岫清溪層層平疊漸次巖厓重復岡阜參差臨水山坳人家錯落羣木叢雜磊石嶽嵒入後峯頭層折逐漸崇高一帶烟嵐迷茫無際筆墨与司農仿天池石壁畧同後上角題

一峯老人用筆沈著氣局深渾為宗

應作元

四家之冠後之學者

不於筆力中求之縱得狀貌徒為優孟耳古人云用力之道通

于神明此語正索解人不得 乾隆庚辰夏五月既望茶山錢

維城謹寫

維城盤宗

余以春蒙召入直南齋時：後秘殿得觀錢文敏公所畫
卷冊無慮十數種皆受召而成歎其風格峻整骨力堅蒼
今年夏過雪驪光祿同年所出示此卷亂頭麤服不假修飾
而風神自足蓋進奉之作猶未免刻意固不若此隨手揮灑
其天全也右軍蘭亭記魯公坐位藁正不經意故近自然畫
與書詎有二道哉余既假觀數日雪翁屬題因識數語而歸
之雪翁其寶諸咸豐四年太歲在甲寅夏六月初伏日滇
池何彤雲識於京師直廬

臣何

彤雲

錢茶山西湖春泛圖卷

紙本設色高八寸七分長四尺四寸山容湖色雲氣嵐光柳
綠松蒼峯青水秀槁亭銜接樓閣參差以天下明麗之景出
以蒼渾渾沈著之筆一洗十洲金碧之習直接司農蒼潤之傳
氣韻渾融品格實超乎存而上卷後上角題下角抱琴卧花

古緣萃錄

馬士

士

澄蘭室

印卷前稼軒脩竹吾廬二印

西湖春泛

乙酉初夏錢維城寫

錢維城印

稼軒

茶山司寇師法麓臺邱壑幽深樹石靈秀通籍後復得董富陽指授畫學益進惜僅中壽所詣未臻絕頂然其筆墨蒼潤氣韻渾融先生而後效婁東一派者無有能及者矣

錢茶山仿元四大家山水卷

瓶麓齋舊藏

紙本水墨高九寸四分長一丈四尺八寸六分紙三接起手
峯巒對峙林木夾溪全用黃鶴山樵筆法岩後數石磊砢頓
起高峯蜿蜒而下復接層厓巨壁峭石奇峰筆力勁道直逼
子久山勢漸平樹石鬆秀畧參高士筆意中路雲峯上薄陵
壁孤懸仍多大廕法而溪山迴曲樹木蕭森漸有梅道人意
入後則岡巒重疊岩厓錯落一氣揮灑大筆淋漓參用吳黃
二家法而子久居多曾與司農卷對觀雖覺氣局略小而皴
染沈著魄力雄渾司農以後一人而已題首四隸書烟雲在

手款甬上後學范永祺拜題印范永祺印又字莪亭印首高山仰止景行行止下角朝爽齋印又蘭坡經眼小印隔水綾上獲宿硯盤珍藏巴氏所藏二印卷首下角無聲詩一印卷後下角丹陸過眼研農心賞金傳聲休陽汪彥宣小某甫珍藏素庵共五印題款在上卷前又題一段

丙戌冬瀑直西清每飯後無事輒塗抹數筆以遣興積兩月餘遂成此卷丁亥四月三弟自南來見以為可即以贈之 維城

錢維城印

耐圃司農藏有麓臺長卷合黃王倪吳四家之法而元氣淋漓一筆揮洒無湊泊之跡余嘗有意臨之而未暇也作此意欲摠括諸家而較之麓臺相去遠甚此才力所限非可強矣 茶山

又識
山茶

司寇夫子傑直之暇畫此山水長卷蓋合元四家之法而所
取於黃吳者尤多既以與孝廉料收藏今年辛卯公車來京
裝潢甫就乃屬載題之為賦六言一首並呈夫子誨定
公望派皆北苑子由師即東坡禁廬雪落閑寫行笈春初遂
歌渾厚華滋不盡檀梨橘柚如何孝廉船泊江渚貫月虹非
有它載拜稿於宣南坊邸載坤一書畫

國朝繪事擅山水前有麓臺後茶山麓臺得元四家法曾合
衆長寫青孱茶山仿之作此卷傑直偶趁西清閒枯毫焦墨

妙游戲著色不用淺絳班麻衣皺紋礬頭石清河書畫舫一
重一掩相迴環有時健筆力扛鼎忽然嵐霏雲氣淡入無痕

間雲林題亦明畫王侯筆力無能扛鼎披圖恍見癡黃迂倪輩盡
無目水不灣又雲仲圭畫宜慶雲林道事見披圖恍見癡黃迂倪輩盡

入一手超荆關我聞數子俱從北苑出又各分畦闡什陌同
源雖可滙衆流異曲詎能吹一律未聞環肥燕瘦態各殊可

合老子韓非傳為一何哉此園信手披橫斜蒼茫滿帝生雲
霞當其運古入化處難辨某筆為某家按之各家又悉備如

奏琴筑箏琵琶是惟鑪鞴早已鎔衆妙一氣噴薄流精華釀
花成蜜花不見蜜中滴：自有諸種花圖成持贈惠連弟風
雅一堂見深契印香槃篆壽子由此事東坡有成例我亦當
年辱素知論文樽酒開心期每當意得筌蹄外超詣不減無
聲詩即今一別淚如雨其人與畫俱成古錦罽橫展重摩挲
猶覺揮毫勢飛舞增君夜雨懷對床感我晨星憶談塵題罷
還君好什襲莫共麓臺長岑後眩名畫譜 為曙川學長先
生題茶山司寇所贈墨跡即請是正 甌北弟趙翼

翼趙北

尚書天人流鳴盛和笙鏞餘事及六法苦詣追南宗目無元
四家肯學王司農雲烟不在眼 鄒訟邱壑蟠其胸西清多暇

日北苑空前蹤至尊欲奇絕佳手驚未逢當其下筆時寸鱗
逾寸琮尚書意不滿小菰其何庸殊方偶小蠹蠻觸爭戈鋒

詔謂尚書行單騎清傳烽決旬傳露布期月爭輸實裴公下
淮蔡馬卿存笮邛臨機獨游刃尊俎有折衝歸來侍承明珥

筆仍雍：蠻烟与瘴雨一：揮奇峰萬里縮咫尺連管隨衡
經公名若威鳳公技猶神龍聞喪遽匍匐示疾恆踈慵於時

識風采骨立千尋松高軒一握手片語如醇醲鴉音忽集舍
馬鬣悲新封識成孤蛺蝶夢到三芙蓉此圖作丙戌倬直恩

方濃淋漓足元氣蕭瑟含秋容持將贈弱弟想見頃篋雖余
交孝廉久昕夕鎮過泛幸茲典型在况以世好重三絕古所
羨二難茲獨鍾撫圍增昔感得白無歡悰安得泛君乞并剪
分吳淞竹初三丈以文敏公所遺畫卷屬題得詩三百字
請正時甲午初春寓吳山先恭毅祠味辛懷玉拜手趙

懷玉

趙懷玉

阿

伐新汲泉
六名士

昔人論畫貴有筆有墨不着力則無筆法不用意則無墨趣
此作筆墨兼備骨肉停勻沈雄渾厚中正復細針密縷非大
家不能到此曩于都門文敏曾訂予共作長卷各以事鹿
未果歲寒里居竹初先生出此卷見示留連展玩遂成古人
今昔之感當何如耶甲午小除夕西苑客張洽剪燭跋

在陽道人
張洽圖記

錢三輟請款我戶手一燈畫咨涕洟尚書遺墨忽到眼卷長
二丈紛橫披圍窮有詩未及寫追書識跋神合離如此兄弟
古今少子由吾友子瞻師我無真賞堪讀畫但感宿昔成吁
噉乾清朵殿在天上綠窗朱戶金罍愚儒臣載筆近尺五尚
書翔少承恩暉詩成畫竟天一笑讀書萬卷方能斯二十餘
載清切地後進聯步空膛而蓬萊畫長無一事曲林侍側湘

簾垂有詩共吟畫翁看指示妙處心神怡公於愛才自天性
散材樗櫟顧弗遺謂我詩法有龔涇縱不佳者各有宜斷槍
折戟較利鈍亂頭簾服分妍媸我聞輒慙不敢受公之此語
則可思正法眼藏真妙諦邪魔外道張粉脂論詩斷絕世
態於畫或以一貫之卷端歲紀在丙戌越年我始趨彤墀是
時諸老方鼎盛傑直出入恆相隨五年我持使者節公六讀
禮星南馳撰杖請枉僅一再精神遽化騎尾箕文定文達溘
相逝老成凋謝纔週暮古人知己重一語為天下感哀予私
公初寫此不及見見畫公已不可追何須更著公謹錄過眼
頓作雲烟飛 乾隆甲午十一月八日北行丁堰舟次題

元瑞 瑞元七彭

索居歲道盡百感推心神我生不自力於世負兩人少小入

京雄虛名動指紳文達在樞局水鏡裁羣倫謂我有器識可
以涉通津甲戌禮部試司空慎選掄 文改為甲戌會試所收

盡才俊疲乘追麒麟館課集庶士逸足時一伸賞誤千里價
途窮九折輪廷試倏被汰常調遂終身我公憫其拙惜別意

倍親矮紙小平遠寫贈逾璆璘櫝藏三十載墨氣猶鮮新絳
節至江右秋賦分陶甄 己卯秋文敏王江右官劉談畫夜漏抱

古緣萃錄

与士

士

澄蘭室

牘超凌晨猶憶一言賞不覺渡眉驛公使途中詩不信

竟長謝薄官逾沈淪文達戴星至偶坐還經旬相期活良懦此會

為國除管榛詩筒互注復秀句常紛綸在襄文達里第一夫人憂余

大江恨和之詩省歲時自去嶺外二老弥宣勤文達騎赤鯉棲神

明德始終恩禮均文敏繼文達上謚錫貞珉嗟乎兩尚書完

宸清詩兼妙畫睿賞恆移辰秋官泚丹筆黔塞鳴金鐔乃知

兵刑任實蘊經濟醇羹醴方向用人琴歎同湮弱弟起夕秀

玉照河陽春遺墨手長卷山川鬱輪囷云合四家法用成一

代珍屬我為題句拜觀淚沾巾當公病劇時我充幕府賓尺

尺苦相失莫夢知無因聞公就醫吳公下已行在薩撫軍幕中茶山

識前識華表開新宅門下半卿尹誰為翦香蘋公晚計歸茶山

年未過毘陵艤舟古驛濱登堂拜孀母客坐寒無茵可憐三

事家不異黔婁孺樹慘渙折堂構尤遭屯可二句在公顏不可

觀此卷存公真讀書歌大招悽惻難重陳五古一首奉題

先師文敏公遺墨並呈竹初老世料大人教正時乾隆庚子

日南至山陰世姓平聖臺再拜

聖臺

聖臺

聖臺

茶山本天人游戲為畫師曾中磊落有五嶽天機活潑出怪

奇蓬山侍直廿餘載絕苑不許人寰知我聞論畫如論禪宗

派亦以南北歧摩詰一翁作初祖吳黃倪王四葉垂曾溪法

乳出龍象烟翁妙手孫謀詒麓臺已往孰嗣響唯公心慕手

獨延試觀此困和合四家法驅使前哲如嬰兒五日一水十

日石松栝柏點綴位置皆得宜蒼茫浩瀚一氣合筆墨斷

慶神猶隨畫成付令弟知音今鍾期自言仿麓臺魄力實過

之西堂春草冷昔夢撫卷老淚雙連洒立功立言已不朽餘

技亦復疇能為鮪生一見但下拜曾見解衣磅礴揮毫時

丁未六月門下士大昕拜題

岷大

櫛

吾鄉畫家自憚正林後唯錢茶山尚書足以接武正林以韻

勝尚書以魄力勝也此卷渾厚華滋合元四家為一手較之

麓臺魄力殆欲過之乾隆甲午尚書弟竹初屬題為賦五言

古詩一首庚子名試出南昌彭文勤門下文勤述及余詩以

為知余者先在此也今為休甯汪君理齋藏棄物得所歸亦

可無憾唯卷中人墓俱宿草存者獨余與甌北先生耳披展

數四殊深今昔之感因成二絕云尚書遺墨孝廉船往事

回頭已卅年誰料桃花潭水上重參舜舉畫中禪
題詩盡是舊詞臣少日塗鴉媿步塵且喜容楷準老眼天留後死話

前因

嘉慶十六年十一月趙懷玉題

趙懷玉印

後書

跋後有葉氏硯農珍藏之印秀水金蘭坡過目振甫審定石

鼓硯齋四印

余既得茶山司寇此卷每一展玩輒意王司農卷不知若何神妙又不知流傳何處世間尚存此妙蹟否同治癸酉十月廠肆以司農巨卷送閱展讀之知即係司寇所做原本也不禁驚喜欲狂索值昂甚時甫由山左差旋購之幾欲傾囊然不足以自豪矣廿五日燈下書以誌喜
振甫麟

錢茶山進奉山水冊

紙本設色七開高三寸六分闊四寸八分寫
御製月景詩每開皆有和詩小楷書

第一開寫初月烟波一片雲樹千層樓榭參差半鉤新月
御製初月七絕一首書右角上下角恭和

蓬窗薄暮上簾鉤新月遙看天際頭未待曉風揚柳外片帆先

挂一痕秋

臣錢維城恭和

第二開寫霽月峯巒似沐雲氣歸山泉水奔流源頭活潑月
出山尖扁舟坐看左角上御製七絕一首右角下恭和

兩餘涼魄澈泉源絕勝新磨鏡影騫解得月光原是水水經水

洗憶前言

臣錢維城恭和

第三開寫賓月平湖萬頃亭館中開竹木清幽扁舟蕩漾月
色圓滿雲水蒼茫右角上御製七絕一首下角恭和

散盡浮埃始見真秋空迴示淨中因羅幃似有微風卷直入何

猜不速賓

臣錢維城恭和

第四開寫舫月清波一片磊石遙橫垂柳敲風三舟打槳一
輪月上雁影參差左角上御製七絕一首下角恭和

櫓聲伊軋似鳴鶯搖曳晴光天外浮何處仙槎堪比擬只應河

漢向西流 臣錢維城恭和

第五開寫山月數峯高峙雲樹遙橫畫舫清溪孤亭高阜月
升東斗水碧天青左角上 御製七絕一首右角下恭和

纔升東嶺又西崖處、清暉一色皆解道居高最先得不知水

檻勝山齋 臣錢維城恭和

第六開寫波月島嶼中峙波影連天萬象虛涵月明在水工
偏左 御製七絕一首右角下恭和

本是天心感繡紋倒從波面盪氤氲風吹一片光明錦却被前

灘燕尾分 臣錢維城恭和

第七開寫烟月溪山清絕烟樹迷茫屋舍橋梁幾處相映月
光淡白夜色冥濛上偏左 御製七絕一首左角偏下恭和

水際輕浮沙際籠清暉未澈尚瞳朧柳邊隱立擎拳鷺錯認前

溪把釣翁

臣錢維城恭和

此冊後有空白一頁當是八開而未畫竟者或御製詩只七首各頁皆無印章疑為進奉檢剩之品

錢茶山山水軸

紙本設色高三尺七寸濶一尺九寸四分林巒重疊曲折蜿蜒氣勢雄渾筆意綿密點綴位置全法麓臺仿北苑之作故能俯視一切與司農並駕齊驅此種皆當日進奉挂落之用不免剝蝕多處左角下款

臣錢維城恭畫

臣錢維城敬事

錢茶山菊花軸

紙本設色工筆高一尺八寸一分濶二尺四寸菊花五種鈎勒工細色澤鮮妍畫葉着色頗淡陰陽向背生動有神僅亞南田草衣一等右角偏上款

臣錢維城恭畫

臣錢維城

翰染

黃瘦瓢花卉卷

絹本淡設色高六寸六分長六尺六寸六分四段題皆草書
第一段水仙三莖俱初生一莖開兩花後題

誰憐瑤草自先春得、東風到水濱濕透湘裙剛十幅宓妃原

是洛川神

黃慎壽恭

第二段芙蓉一枝自有古豔後題

故人過我草堂東不問明朝米甕空擎著燭檯成習氣夜來還

照鶴翎紅

壽恭

第三段玉簪一葉兩花數小蕊後題

鬱藍天氣露華新誰採閒階寶玉珍不識搔頭能倍價只今猶

憶李夫人

黃慎

第四段綠梅一枝古峭有別致後題

壁上蝨蟲齊化去雨餘京蟄碾殷雷一春忙過無詩草負却牆

東一樹梅

雍正甲寅春寫於廣陵善成堂

黃慎

黃慎
壽恭

黃瘦瓢山水冊

紙本十二開高六寸潤四寸二分對頁鄭板橋書大小行草楷隸不一有題畫者有非題畫者隨意拈來頗有別趣首副頁上題瓢笠芒屨領略多七篆字下款第一山人題題字二鈐一印一人托一葫蘆似隱有字在內不可解極奇第一開淡墨作樹數筆用米家法右上題

來往空勞白下船秦樓楚館總堪憐但餘一卷新詩草聽雨江

湖二十年

黃慎

對頁板橋小行楷書東坡語兩段一五行一三行印首結歡喜緣上空三之一

兒子於何處得寶月觀賦至今世也嶺海八年至餘無足言

者板橋稿

第二開峯巒一簇疎樹三株墨色淡雅無款印對頁板橋行書六行滿書

蘆葉滿汀洲寒沙帶淺流二十年重渡南樓柳下繫舟猶未穩

能幾日又中秋黃鶴斷磯頭故人曾到不舊江山搖是新愁

欲買桂花同載酒終不似少年游唐多令板橋

歌後
鄭五

第三開峯巒直立山半孤松一株一人扶杖步山下淡墨寫
意右上題

懷君抱僻惡新衣入夜熒々見少微如此春光三四月竹雞聲

裏菜花飛

黃慎

對頁板橋題上一段五行下一段十行俱橫書

黃山始信峰上有擾龍松古峭屈曲今所畫景得毋是板橋

克

二十年前
舊板橋

江頭醉倒山翁月明中記得昨宵歸路笑兒童溪欲轉山已

斷兩三松一段可憐風月欠詩翁

第四開重岩高下松蔭參差洞口飛泉石上湍急略渲青絳
筆墨無痕無款印

古緣萃錄

易古

廿

澄蘭室

對頁板橋題左角工長短六行下橫書五隸字

導海南耶我行山路朝僂非邪遙望秦臺東觀日出即此山邪
岷光一綫雲邪青未了松邪柏邪獨鳥來時連峰斷處即此人

邪

齊魯青未了

板橋

鷓鴣

第五開枯樹槎枒茅亭臨水寥々數筆左角上題

三山門外望平蕪春草春烟響鷓鴣撲面梨花寒食雨蹇驢又

過莫愁湖

黃慎

對頁板橋隸書戒銘二皇々惟敬十一字右上角輔人無苟
十九字二行左邊款右邊題下鄭為東道主長印

板橋

三絕

第六開崇山峻嶺松蔭高低山下微露樓屋用墨極淡皴法頗類飛白無款印

對頁板橋隸書上橫書岫嶠碑三大字下橫書承帝曰咨至富舞永奔九半行六十九字款二字上有才黎閣印

鄭燮

第七開山岩突兀麓樹倒垂溪上一舟撐近山脚略染淡絳左上題

籃內河魚換酒錢蘆花被裏醉孤眠每逢風雨不歸去紅蓼灘

頭泊釣船

黃慎

對頁板橋楷書八行書有大石側立至此鶴雀也一則款一行上下空

板橋居士書

橄欖軒

第八開岩石一角樓閣兩層垣外山峯隱約可辨庭中二人緣步相語無款印

古緣萃錄

馬山

三

澄蘭室

對頁板橋書元豐六年十月十二日夜解衣欲睡至如吾兩人尔六行又半行書印首押角象形印二後款

板橋 板橋夢

第九開一峯陡上松影含青山閣隱藏溪橋低跨略施青絳筆頗清潤左上題

癭瓢簞笠意何求祇學孤孤老此邱回首那堪思往事一聲黃

葉寺門秋 黃慎

對頁板橋四行大行楷一行近隸七字

紅藕花多暎碧闌秋風初起易凋殘池塘一段榮枯事都被沙鷗冷眼看白石翁題畫詩板橋鄭燮書乾隆五年六月十

一日 答

搜盡奇峰打艸稿

第十開松林兩面排列中露一城前臨溪水後則一片烟雲
淡設色無款印

對貞板橋草書三行書昨有人出墨數寸至鵲也又楷三行
書東坡居士酒醉飯飽至受百物之備下款

鄭燮

鄭燮書案

第十一開岡阜隆起梅樹兩株二人對立其上淡設色左上
題

十年牛馬各奔馳笑殺錢刀市上兒今日相逢廣陵道梅花冢

畔索題詩

黃慎

黃慎

對貞板橋楷書二詩九行滿書

纔聞戰馬渡滹沱南北紛々盡倒戈諸將無心留社稷一坏遺
恨對山河秋風暮嶺松篁暗夕照荒城鼓角多寂寞夜臺誰吊

問蓬蒿滿地牧童歌 吳璽人詩 汴水無情只向東荒原萬

木起悲風傳聞鉄騎墳前過下馬撫衣拜相公 李父山詩

二詩皆弔史閣部墓者墓在梅花嶺旁觀黃君畫因憶此二詩
遂書以繫於畫後 乾隆五年清和月板橋鄭燮坐枝上村作

此

前詳
板橋

第十二開 孤峯特立小閣旁 依筆墨寫意在有無之間 右上
題

夜雨寒潮憶敝廬人生只合老樵漁五湖收拾看花眼歸去青

山好著書 黃慎

對頁板橋楷書右丞与裴秀才書輒便往山中至清流也連
款七行在板橋書中極工整者

乾隆五年五月五日前一日板橋居士鄭燮書

板橋

黃癭瓢雪景山水軸

紙本淡設色高一尺九寸八分潤二尺五寸八分危崖陡峭
枯樹杈杈坡石磊砢溪泉冷淡一叟騎驢橋上一童執竿後
隨通幅以淡墨渲托遠山近水雪景分明左上題

騎驢踏雪為詩探送盡春風酒一甌獨有梅花知我意冷香猶

可較江南 乾隆壬午秋七月癭瓢子寫

黃癭瓢

黃癭瓢蘆雁橫幅

紙本設色高一尺九寸六分闊二尺五寸二分蘆花數葉一
雁飛翔用筆極簡意趣自足左角下東海布衣印右上題

名為稻梁謀 癭瓢子慎

黃癭瓢山人

黃癭瓢瓜幅

紙本設色高二尺九寸四分濶一尺三寸二分一瓜長形彎勢下垂葉莠其上鈎筋如艸書題右邊六白字極草不盡識下款

癭瓢山人

黃癭瓢

癭瓢山人畫用筆奇峭取境古逸雖非正宗自寫一種幽僻之趣人所難能儲此數種亦備一家畫格

劉石庵臨閣帖各種卷

紙本高九寸二分長七尺八寸二分紙一接共六段第一段行書大小八行臨鮮于太常書

巨然秋山漁艇 秋鱸春鰈足杯羹萬頃烟波雨擢橫縱使直鈎隨分曲不將浮世釣浮名 漁陽困學民題於寶婺之寓館

石庵

第二段楷書臨王僧虔帖十五行後題行書十行下角東武印

王僧虔書已駸入初唐蹊徑殆虞歐之前茅也展拓平直以
為其體虛和婉約以為其勢此正初唐風格然已為空花結定
形矣顏川數帖疑縮或伸如往而復右軍蘭亭敘樂毅論已覺
小變草書則去衛索絕遠所以云古法一變也顏柳規製在虞
歐之下神明在歐虞之上齊魯存九韶不及湯武之真漢武也
石庵臨於久安書屋

第三段行書臨不審定何日帖二行陳永易王熱甚帖二行
題十字于下

此帖極有氣韻蕭羊所不能

第四段行書臨唐高宗錢事勅一行六尚書勅三行太宗東都勅四行

第五段行書臨大令庾等承更惡帖十一行後題

大令帖中文義最可解者亦有難曉之語右軍不然未喻其故

第六段楷書臨蕭子雲或謂子列子舜問乎丞二段十行後題下角東武印

石庵臨于久安書屋 壬子穀雨後二日

石庵相國書沈鬱頓挫古厚圓渾而自有一種秀逸之氣溢于楮墨之間由其取法甚高運筆之際不肯一絲苟且故作字宜難毋易宜拙毋巧觀此卷於先生書悟大半矣尋常偽公書者如墨豬烏知此中之妙人或謂公為地黃字皆贗品為之公不受其誣也

劉石庵小楷書蘇詩冊

金箋紙六開十二頁高三寸三分潤一寸九分六行行十四
五字不等書七言古風七十行後款二行

丙辰秋有九月重陽二日書於久安室

東武石庵

劉石庵

按公是年七十有八小楷蒼勁圓潤雖金箋使然而筆之精
到目力過人宜其享大壽也

劉石庵臨蘇各種冊

絹本十一開廿二頁高八寸二分潤五寸六分後治亭跋一
開首頁左下角下蘊真快過一印
第一開臨東坡贈玉鼻驛據九行後題二行

舊刻石在嘉興山谷跋已漫漶矣昌黎所謂無人收拾理則那
也

第二開草書臨月明風露娟。人未眠一首七行後題

試黃芝古硯臨

第三開上頁臨表忠觀碑四行下頁臨蘇書五絕一首上頁題二行

表忠觀碑刊缺數字或刻石補之遽不逮原刻遠甚

第四開行楷書赤壁賦五行疑亦臨蘇又草書三行後題

香光赤壁詞 石庵節臨

第五開臨蘇贈李邦直探梅詩六行後題三行

公詩又云君才有如切玉刀見之凜冽生寒毛合之此詩則邦直為吏庶幾周官所謂廉能者歟

第六七開行楷臨蘇書題烟江疊嶂圖詩共二十行
第八開行書柳十九自共城來一則五行又七言詩二句三

行皆當是臨蘇

第九開上頁小楷臨內景經六句二行零後題四行下頁臨
蕭子雲書齊之國氏大富一段小楷八行

張涇南臨法帖數行輒輟者即自記云不契此內景六句偶然
臨寫而以塵務閣置過時則意興不屬不復強寫非敢言不契
也

第十開接臨蕭子雲楷書十一行後題四行

王元美踵貞觀餘論極薄此書竊謂未然其淳古之氣足追鍾
衛筆差快耳 石庵識於久安室

第十一開臨座鶴銘鶴壽不知其紀也七字二行後題

石庵臨

嘉慶戊午四月為治亭宗伯鑒

劉墉

題

石庵先生書竊取瘞鶴銘筆意其機趣則出入於楊少師此
卷臨坡翁時露新意然本末面目終不可掩也識者珍之

嘉慶戊午四月十三日鐵保跋

鐵保章

石庵相國臨蘇祇得其雄厚之氣不屑于皮毛間求似也
文清此冊殆是雞毛筆所書草法數處直是飛帛先生書中
化境也

劉石庵臨古各種冊

瓶麓齋舊藏

紙本十二開高三寸六分濶九寸

第一開至二開上半書与桓溫牋五行誠謝萬書十一行俱
小行書後題五行右角下有楊氏印

萬壽春敗後書与右軍云慙負宿願萬本庸才兄安勸之不聽

乃新厯營伍結納將佐萬竟以此免難 彪

第二開下半草書七絕一首四行後題二行

李建中題楊少師書 坡公推楊而黜李所見微矣

第三開上半書或以千金与人一段楷書八行下有劉墉印
次臨東坡書札九行贈李邦直探梅詩七行至四開上半有
石盦劉墉二印
第四開下半至五開臨內景經小楷九行荷蕢過山前一首
草書七行後題

秋雨無聊書此解悶 彪

第六開書論李西臺六行又臨凝式五絕一首後題二行

李西臺非俗人而書有俗氣至為坡公別口此乃代濁世受累

楞嚴經所謂同分者是也

石庵居士

劉壙

凝式有一札極奇然似外強中乾與韭花帖不類

石庵

第七開至九開上半書陶詩歸田園居一首讀山海經一首行楷三十一行後題二行

乙卯八月石庵書於久安室

劉壙

第九開下半至十一開上半書七絕六首三十一行後題一行

廿八日試硯書

銘

第十一開下半至十二開書時相欲以李建中為三司判官三行李中丞自杭回四行俱楷書又臨顏魯公天氣殊未佳帖五行題共八行餘帝書典掌王言四句二行半楷書

臨于丹林詩興之軒

嘉慶戊午六月書此宣德紙帝頗宜墨

然發露在外能藏墨於內者尤佳此六各有所好耳 石庵居

士識 石庵劉壖

論石庵相國書者謂以姿態勝余初不契斯語今觀此冊信然辛未初冬裝成展閱偶書 振甫麟

冊中書陶詩兩頁尤佳世學公書者但解堆墨不知其佳處正在秀韵山舟學士庶幾近之蓋同出于松雪也公書心從松雪入手而泛濫於閣帖者故古厚中綽有姿態 癸酉十月燈下偶書

昔曾見陳子休年文所藏石庵相國自書詩卷後有王惕甫先生兩跋稱相國生平最惡人譽其書法聞有譽之者輒盛怒不可解或至索取其所求而毀裂之當時同列相知之人於相國詩字不敢面譽一詞惕甫先生為相國門下士諒非得之傳聞之誤此誠可異也兩跋中尚記有軼事一二則惜尔時因校士紛忙未暇錄記其卷書法精妙所錄詩六皆其生平最得意諸作惕甫作跋時蓋去相國歸道山已數年矣癸酉長至前二日振甫隨筆

冊首有楊氏小印不知係何人舊藏余之寶有此冊固早有為之龜者是之謂墨緣 振甫

劉石庵雜臨各種冊

紙本洒金十二開高五寸一分濶三寸五分計廿四頁

第一開臨蘇游虎跑泉七律一首九行行書下角石字圓印

第二開臨蘇背郭堂成蔭白茅七律一首行書八行下有石字印

第三開書謝清明日賜新火狀楷書十行下有石字印

第四五開書白香山池上篇一首行書十六行下有石字印

第六七八開書偈語一讚佛偈二讚法偈三讚僧偈四衆生偈五懺悔偈楷書廿四行下有石字印

第九開書謝恩賜茶果等狀楷書九行下有石字印

第十十一開書眼病七律二首行書十六行末記庚申夏夜

府珍藏曾存定郎行有恆堂二印

石庵居士學書

劉墉之印

不使一平筆不使一直筆文固應尔書亦宜然昔人論書曰作書要熟又要生實古人不傳之秘偶露斯旨以待好學者尋繹相國此冊用筆之妙固已度盡金針

劉石庵臨閣帖軸

瓶麓齋舊藏

紙本高二尺七寸六分濶八寸三分臨王僧虔二啓楷書三行王慈三札行書三行末題印首御賜丹林詩典

辛亥八月臨

石庵

劉石庵行楷書屏

紙本四幅高四尺一寸八分濶一尺一寸二分一幅書夜闌漏盡凍鶴先卧睡一段三行半後款

石庵

劉墉印信

石庵

一幅書惠崇与寶覺同出於長沙一段二行半後行餘題

荆公詩惠崇晚出吾最許嘗見所作御風夢蝶二圖極神妙

石庵識

印全

一幅書船子和上得南泉游戲三昧者一段三行半後款

石庵

印全

一幅書逸少嘗自書表上晉穆帝一段三行後款一行

庚申五月廿二日雨牕久安室書

石庵

印全

劉石庵臨右軍書屏

紙本描花粉箋高三尺七寸四分闊九寸五分四幅每三行圓渾古厚無一苟且之筆末幅楷書字二行尤筆含蓄神味尋繹不盡印首御賜清愛堂

石脾出水便濕易見也入水即乾誰能驗之然必非妄言故逸

少謂物理難求也

乙卯穀雨後臨并識

劉墉

劉墉之印 庵

外舅論相國書在秀韻山舟學士庶幾近之此四幅正有与山舟相通處然相國書生學士書熟所以不及相國也

王二癡仿雲林江亭秋色軸

紙本水墨高一尺四寸九分闊一尺一寸二分溪山平遠竹木清疎筆墨潤氣韻秀逸題款偏右上題三段另紙右邊玉林珍藏畫左角下耕烟後人

我生本寂寞况茲久羈旅偶君素心人來往迭賓主秋聲動高樹暝色渺烟渚孤館坐題詩蕭蕭正風雨
己卯長夏客居燕邸一雨連旬閉門嘿坐戲臨倪迂江亭秋色圖并錄九龍山人

題畫句一章 虞山二痴王玖

玖臣二痴

如障黃塵九陌間藥爐經卷閉禪關坐來自覺秋江好手寫倪迂一角山伯絨詰翁絨

斜陽過雨濕不紅蕭蕭竹樹生清風此時讀畫正揮汗安得坐我江亭中乙未閏六月杪題眉村張爾旦玉璫

王郎弄殘墨寫此江亭秋自言寓京華寄興良悠々水寒石亦冷豈有熱客求趙允懷題閒趙允懷印

王二痴石壁天池軸

紙本設色高一尺三寸濶八寸九分山阜陡峻層々疊疊白雲橫抱匹練直懸水榭臨溪茅亭面水筆意與黃尊古相似然尊古畫司農之意多二痴則猶存家法也題右上左角下耕烟曾孫

壁立青山帶峽溪閑雲盡日自高低知他春樹深多少時有清猿在裏啼泉冽而深山奇而陵石壁天池彷彿乎否辛巳

小春寫於逸泉山房應鵲橋老先生屬並求教可 海虞二痴

王玖 痴二

王二癡仿元人菖蒲軸

紙本水墨高一尺三寸一分闊九寸三分疊石重、鋒棱平折菖蒲高低疎密雜植石上石法殆本倪迂故尔奇峭淡逸
題左上右角下耕烟曾孫

有石奇峭天琢成有草天、冬夏青人言菖蒲非一種上品九節通仙靈異根不帶塵俗氣孤操愛結泉石盟明窗淨几有宿契花林艸砌無交情夜深不嫌清露重晨光疑有白雲生嫩如秦時童女登蓬瀛手携綠玉杖徐行瘦如天台山上賢聖僧休

糧絕粒孤鶴形勁如五百義士從田橫英氣凜々摩青冥清如

三千弟子列孔庭回琴點瑟天機鳴堂前不入紅粉意席上常

聽詩書聲怪石篠簜皆充貢此物舜廊宜共登神農知己入本

草靈均蔽賢遺騷經幽人耽玩蕝仙典方士服餌延修齡綵鸞

紫鳳琪花苑赤蚪玉麟芙蓉城上界真人好清淨見此靈苗當

大驚我欲携之朝太清瑶草不敢專芳馨玉皇一笑留香案錫

與有道者長生人間千花萬艸儘榮豔未必敢与此草爭高名

做元人筆法并錄玉川先生菖蒲歌

海隅二痴王玖

玖王
痴二

王蓬心山水卷

紙本水墨高七寸五分長八尺一寸三分溪山清秀筆墨輕
鬆起手斂法略用山樵筆意中後無高山峻嶺而峯巒銜接
不事濃點密皴自饒氣韵卷後上角題款卷首下角松下清
齋蓬心書画二印

雲山疊々樹重々貝闕知藏第幾峰安得移尊亭子上月明清
聽一聲鐘荒烟落日暗山陬空谷無人水自流此際不堪聞
雁過可憐宋玉最悲秋丁亥秋九月坐雨賜書樓寫贈文漁

先生蓬心王宸

壬辰
私印

王蓬心出蜀函卷

瓶麓齋藏

紙本水墨高九寸五分長一尺八寸四分兩山對峙絕峽中
開水勢奔騰自高而下一舟中駛波浪掀翻筆意荒率老氣
橫秋題首免峰出蜀函五字款乾隆己亥十月十六日苔南
弟王士錦題于潯陽能仁寺之西舍王錦私印畫堂二印又

題詩二絕錄後卷首邊上柳東口渠元過六無功二印下角
元之印卷末題款又題七古一首裝在名家題後今錄于前

出蜀園 戊戌夏日為仲謀長先生寫 蓬心弟王宸

王宸

我昨走彝陵羣山互相峙偶尋誌喜亭彷彿見遺址江流靜無
聲岸古猶齒蜀道固云難川江險莫比昔作旋師園巉岩困
十指忽逢故人來為我述所履由秦而入川子舍承甘旨聲華
世久欽到處安于止今挂竹西帆倦翮思歸矣鄂城有故交同
心似蘭芷索我繪灘聲扁舟疾如矢吾亦乞君書鉄畫橫繭紙
君去樂歸田我則還留此常將筆墨緣寄此一江水相見實可
歡富貴將焉俟臨別為君言我亦須良耜余既為仲謀大兄

作出蜀國復系以詩即請教正

蓬心弟王宸拜草

王宸之印 好

漢上相逢邛上別秦中就養蜀中回重尋歌吹揚州夢已過
瞿塘灩澦堆何大江關仍作客夢樓使君東閣最憐才朱子

使一帆風利江如練記得輕舟下峽來奉題仲謀大兄出
蜀國即送之揚州梅巖愚弟王嵩高拜草王嵩高印

張侯雖耄筆鋒健壯游曾識大我面萬里歸帆出峽中建瓚
之勢疾於電險語直使造物驚務學性能不鑽鍊秦川蜀棧

窮歷覽矍鑠精神永蕃變炯炯雙瞳閃紫光甯服青芝占赤
箭閑拚何物實歸裝嵐翠江聲滿東絹不戀佳兒美祿養偏

愛故鄉尊鱸饌長歌直入昌黎室把讀無人不嗟善相逢才
薄三舍避邾莒敢與齊楚戰老驥一日千里馳誰謂衰時駕

馬先奉題堯峰學長先生出蜀國即和贈閔八丈原韻并
希雅正梅查弟吳均草藁堯峰

君既不耽綺語寫三影又不工短什吟四愁若非足跡半天
下焉得鴻文大筆繪九州前年出隴右太華三峯迎馬首俾

人九節杖得無玉女洗頭盆到否郎君官小祿不豐循陔養
請而翁就昨歲游川西蜀山萬點入馬蹄雲亭已無成都宅

草堂可在浣花溪將軍位尊禮愈下束脩羊為先生齋兩年
隴蜀已蕪得轉憶西湖千頃碧他鄉信美不如歸杜宇聲中
鄉思迫瞿塘峽灩澦堆奔濤噴雪喧驚雷平生自信履忠信
揚舲擊汰萬里來巉巖絕壁飛湍瀉聯臂猿疑垂綆下哀啼
不用聽三聲縱使無愁淚盈把夜眠急起推蓬窗落月未落
明半江妙景當前那可說至今夢裏聞淙淙故園胡不便歸
去行歌又踏竹西路示我剡藤尺幅圖山蒼茫子水模糊中
流一舟輕若鳬誰其乘者非君歟噫吁嘻人生汗漫游如斯
方足快君平時放眼每覺寰區隘天邊博望槎初回袖裏支
機石應在題應堯峯吟長先生屬即求教正脩亭小弟

楊爵拜藁

爵楊
大樂

書不讀破萬卷學不足身不縱游萬里常局促誰其二者並
稱雄惟吾鄉丈張堯峯少貫古今老弥篤自東南北西游蜀
歸未示我出蜀圖游踪如此眼中殊飛湍懸崖各奇絕萬里
一帆春水濶衝波候忽下洪濤狂歌水怪紛騰逃平生得意
落春軸著書早是等身錄高談雄辯笑口開人生此樂殊難
哉江山烟霧棹頭去倦游歸卧西湖來我曾南人騎北馬盪
雲秦岱俯九野恨不力學武庫窺萬壑胸羅華端寫先生可

許告童蒙願隨杖履坐春風茲園卧遊可以濯吾魄何必籛
糧靡屨負笈相追送 題奉先峰尊丈先生並求誨定 後

學陳學木拜稿 櫟之

萬里行何事蒼茫劍外天將軍寬禮數幕府急才賢雨濺啼

猿泪雷奔下峽船平生壯游志取次雪盈顛 相見不相識

人生幾別離前游真是夢後會更何時江海迴萍梗乾坤寄

酒危橐中裝在否歸計未應遲 堯峰大兄別二十餘年南

北奔馳各成老夫乍見幾不相認以入蜀出蜀園見示率成

二律感慨係之 乾隆己亥後飲愚弟陸飛

驅馳南北馬牛風浮利浮名到處同莫訝先生樂此險人生

都在浪花中 一櫂烟波息萬緣西湖回首意茫然不知何

處閒風月客得米家書畫船 余既自度航于湖上有終老

之志首尾才一年為公家購去復作旅人題 堯峰入蜀出蜀

園竟復題二絕重以誌感 筱飲陸飛 自度

瑞草橋外山浣花溪中水僑寓少陵翁篤生蘇父子道險人

罕經君才許追假凌蹕公卿間散華豔蠶市遠林宴初罷錦

城樂未已無何拜杜鵑忽 鄉思起五月下瞿塘層波疾於

駛暑雪洒衣衿晴雷殷柁底猿啼兩岸聞一日一千里未了

向平願婚嫁亟須理泛家倦紅塵息影自今始卜居廣陵城南望近桑梓邂逅敦古惟我亦適來此別君幾何年孤行歎蓬累聽君數舊踪隴蜀極奇詭篋中多贈遺薛濤箋萬紙詞源倒三峽韻流淮海淡墨瀋醉淋漓重喜逢長史回憶天棧連浮雲渺玉壘一秋歸夢甜持杯聊徙倚竹西盛歌吹安時慎厥履壇坫崇風騷君其執牛耳

先峯大哥先生命題

齋白愚弟管濤

濤

曾讀萬卷書今涉萬里途入峽復出峽羸得白鬚鬚只為作詩苦競秀李杜蘇詩人每好奇矧乃山水都得隴望蜀且不可我眉錦水能相於深思扶幽奧奇氣雄千夫園中有詩詆有園其間作者咸名儒如此筆墨世應無而我濫吹南郭竽題應免峰先生一舉

八十二史閱華拜手

華

濫瀕大如襍瞿塘不可留愁心催日夜何日是安流劍閣崔嵬蜀棧扁舟安穩吳船但得江山相助川塗穩富詩篇

井絡天彭萬里遙歸來吟髻已蕭蕭蜀岡試為探泉脉應有

詩瓢与酒瓢

堯峰先生正

棕亭金兆燕

燕

岷山導江江始瀉直貫天彭浸斗野扁舟一日山萬重快若長風飄片瓦客懷初見春草生墨痕又向秋林灑邛水西風

乍息肩飽尊舊雨還同把崑岡井絡通血絡馬御坡老分騷
雅一編囊橐未蕭條萬象縱橫入陶冶先是花輿踰秦嶺長
安達官館爭假為言有客依幕中曾共銜杯酌花下蜀道哦
詩送馬蹄吳門訂約聯鷗社府梧岡外舅為中丞舉公留居幕府君至陝相見權甚且有送蜀
辨我送離別長相思比歲音書猶患寡漫逢君得好消息不
負攀條寄遠者翻憐昔未從執鞭且喜今方与洗暈王宰真
然可卧游袁生作賦心誰寫夢回華嶽驂仙鸞起視蓬窗飛
野馬 堯峰先生出示出蜀圖即用張梧猨外舅送游蜀中

詩韵題請誼定

懷圃潘純鈺拜稿

潘純鈺印 懷圃圖書

遨頭宴罷落花斑題徧羗村瀼水間暢好二分明月在錦城

雖樂不如還

選徧名山劍外奇才人徧集可無詩已收古

雪千尋頂不乞嚴公割俸貲 豔瀕堆前石骨穿三巴估客

日延緣何當快意獨長嘯穩坐江陵下水船 杜老飢時公

未見放翁歸處我同却竭未辜負揚州鶴蜀井題糕欠一樽

堯峯先生屬題

晚晴平聖臺

聖臺 晚晴居士

星宿源通岷江長奔流萬里波濤狂益州沃野號天府北設

劍閣東瞿塘我友子張子西游客此鄉醉買郾筒酒詩詠碧

雞坊為尋君平賣卜肆來過子美浣花堂錦官春草動歸興

幕府款留堅不應卷書挂劍別將軍孤舟獨攬巴江勝一日
巴江千里行蓬窗走筆千篇成船頭釀酒醉江月枕上不瞑
聽江聲一路杜鵑啼三峽哀猿叫回思策馬盤羊腸履險如
夷付長嘯平生游歷今壯哉揚帆直下灩澦堆相訊故人來
問訊疑是乘槎天上回題奉堯峯吟長先生即希郢正
棘人吳魯脫藁

偶然入蜀為詩逋償了還成出蜀國誰識先生無出入江山
勝賞屬吾徒江陵千里景誰摹此日歸帆已半塗莫道蜀
岡朝氣爽故鄉秋月正平湖小詩題奉仲謀大兄同學教
顧學海

按詩跋凡兩圈此為出蜀圈尚有入蜀圈不知流落何所

王蓬心仿古山水冊

瓶麓齋舊藏

紙本水墨十二開高七寸四分闊五寸二分
第一開撫子久題偏右

畫裏溪山好溪亭事幽闌干三面水風月四時秋撫子久

筆 柳東 水子

第二開仿河陽題右上

倣郭北海筆 王宸 王宸之印

第三開仿仲圭題偏左

礪石隔林人不見只疑罔雨是知音 仿仲圭 柳東宸 王宸之印

第四開仿山樵題偏右

仿山樵松陰仙館圖意 柳東居士 水子

第五開仿九龍山人題左角上

仿王孟端筆 蓬心 水子

第六開仿巨然題偏左

箇中真趣知誰會門外松風是賞音
學巨然法 柳東好

第七開仿香光題左角上

撫董文敏筆法 王宸
王宸之印

第八開仿燕文貴題偏右

湖光天外盡山色雨餘多
做燕文貴筆 王宸
宸

第九開仿北苑題偏左

古木寒流一兩家柴門晝掩待歸鴉
何如只向人間住与客携

壺踏落花 做北苑 柳東居士
王宸之印

第十開仿松雪題左上

擬趙吳興筆 蓬心宸宸

第十一開仿石田題左上

朝來尚有尋真至獨向山邊領素秋 用白石翁法 王宸

第十二開仿營邱題右角上

丙戌九秋倣李營邱雪霽圖 蓬心王宸

王宸
之印 冰子

蓬心先生山水稟承司農家學華滋渾厚足繼前型是冊十二幀純以荒率取勝殆由帝質麤劣不任皴染所致要其筆力蒼古處自不可及丙寅秋九展閱偶書石鼓硯齋主人蓬心此冊雖仿名家仍多自家筆法不求形似筆意荒率之處不免有模糊之病然其中仿山樵香光松雪諸幀亦極蒼勁秀潤不愧家學

古緣萃錄

烏古

光

澄蘭室

王蓬心仿古山水冊

絹本十二開高八寸四分濶八寸八分
第一開設色春山明媚花柳滿溪題右角上

摹趙大年

丁酉秋日婁江王宸

王宸之印 水

第二開水墨岩壑深幽烟雲蓬勃題左上

倣董北苑夏山欲雨圖

王宸

王宸之印

第三開設色峯巒濃厚松翠楓丹題右上

倣黃雀山樵

王宸

王宸之印 東柳

第四開水墨林巒重疊雲氣模糊題左角上

米海岳雲起樓圖

王宸臨

王宸之印

第五開山阜陸峻樹石清蒼題左上

仿大癡道人

王宸

宸

第六開水墨溪山清秀竹木滋腴題偏左

梅花庵主墨法

蓬心王宸

王宸

水

第七開設色蒼松翠竹遠岫清溪題右角上

松門歸棹

倣唐子華

王宸

王宸

第八開水墨濃點密皴林巒深厚題左上款右邊

隱居結蓮社地僻無人聲
瑤草穿階綠幽蘭入夢清
吟詩憐楚澤分坐憶南屏
色異千華偈香同九畹
英何當楓月下相對說

無生 徐賁贈文遠道兄 蓬心王宸臨 王宸之印

第九開設色白雲紅葉綠樹青山題左角上

做楊昇沒骨法 臨董思翁 王宸 王宸之印

第十開水墨竹石清幽軒堂潔靜題左角上

臨趙善長友竹軒圖 王宸 王宸之印

第十一開設色雲峰蒼翠岩樹華滋題左上

撫趙松雪雲山圖 王宸 王宸之印

第十二開水墨林亭疎秀水竹清幽題右角上

做倪雲林 王宸 王宸之印 水子

蓬心此冊運墨深純設色蒼潤兼以絹素完好精彩非常昔人論先生畫至晚年每嫌枯索此冊作時已屆六旬一無荒率之筆前人之說亦未可盡信也

王蓬心仿黃鶴山樵山水軸

紙本水墨高三尺二寸潤一尺三寸七分峯巒濃厚林木槎枒邱壑渾成氣勢沈鬱其間畫泉画松尤極秀勁款左上

擬取山樵筆力蒼人間應有此仙鄉思量選勝留吟榻日轉松

陰水屋涼 辛巳冬月獨坐賜書樓舊藏黃雀山樵本今背摹

其意雖得蒼茫之氣豈可與古人頡頏耶 蓬心道人

王宸私印

王蓬心山水軸

紙本水墨高三尺一寸四分潤一尺七寸九分老樹依岩遙巖隔水修竹四繞野屋中藏筆墨縱橫格韻蒼老是得畫中

毛字訣者題右上印首柳東左角下得江山助印

我鄉舊有崔黃葉昔日曾誇七字詩看取楚江風色冷雨窓弄
筆獨吟時 乙未冬日寓于鄂城官舍為董軒老妹丈一笑并
詩寄心 柳東王宸

王宸
之印 好

澄蘭室古緣萃錄卷十五

古虞 邵 松年 輯



國朝

梁山舟書重修淨慈寺大殿記冊

紙本大楷書烏絲方格翦裝十開計二十頁每高七寸二分
潤三寸九分四行行七字碑文八開二行以下書撰銜名筆
意秀逸中有蒼勁之氣首頁上石仙偶藏邊上張映璣璿之
愚而不好自用三印

誥授中憲大夫浙江分巡杭嘉湖海防驛政兵備道無錫秦瀛
撰 賜進士出身誥授奉直大夫日講官起居注翰林院侍講
郡人梁同書書 重修淨慈寺大殿記

梁山舟書脩廟碑記冊

紙本楷書帶行九開計十八頁每高四寸五分濶二寸九分
三行行六字碑文四十七行書銜六行疑缺首一二頁文為
吳穀人先生撰殊艸書為先生八十九歲書雖腕力稍弱
而丰致不減有石仙偶藏印

辛未三月國子監祭酒錢唐吳錫麒記翰林院侍講加學士銜

錢唐梁同書書

翻

梁同書印

梁山舟書松讚軸

紙本行楷高三尺二寸八分濶一尺三寸二分連款五行書
法流動清挺多姿

松有勁質匠乎筆端森疎空倚挺拔上千如出絕壑若生大寒
枝蟠龍變皮坼鱗攢青蘿若挂白鶴間看美華原之入妙能入

室而思彈願主人之比壽後君子之靜觀 于幼畫松讚 己

亥腊日山舟梁同書書

梁同書印 梁氏元稿

梁山舟書詩軸

紙本行楷高三尺八寸九分潤八寸六分連款三行寫七言絕句二首

面軒窓敞水晶瓊筵烹鳳膾飛鯨洪厓莫漫憂沈醉還有水
桃與解醒彩女遙聽金闌鐘曉妝初起紫微宮不須人世長
蛾樣新月纖纖落鏡中頻羅庵主梁同書時年八十三

梁同書印

梁山舟詩翰屏

古緣萃錄

易十五

二

澄蘭室

紙本描金四幅高三尺七寸濶八寸九分行楷三行圓鈎潤
秀絕世丰姿

按鷹臺北接春郊信馬間行未覺遙尺五城南好光景到天烟
色柳落條消息陰陽淨審觀詩花未訝看花難此間別有芳
菲節十月中旬進牡丹穀城依闕鬱青蒼水北山南古洛陽
第一邦人重經術遺碑存否蔡中郎北地深知苦旱多千金
遺碣近如何銅龍古器非難得便是元康繼太和天桃穠杏
一時開上巳風光次第來尚有殿春紅芍藥連塍十里到豐臺
洪福僧園拂紺紗舊題塵壁似昏鴉春殘已是風和雨更著
游人撼落花青莎徑裏香未乾黃鳥陰中實已團蒸豆作烏

鹽作白屬聞丹杏荐牙盤 北客未嘗眉自顰南人誇說齒生
津磨錢和蜜誰能許去帝供盤亦可人 頻螺庵主同書時年

七十又七

梁山書同

梁山舟書唐詩屏

紙本四幅高三尺二寸七分濶七寸六分烏絲大方格二行
行十一字大行楷運筆虛和其氣靜穆

一幅書水濶疑無路四句末二格款

劉元禮

山舟居士

梁山書印

一幅書終南陰嶺秀四句末二格書

新吾長翁

古緣萃錄

弓十五

三

澄蘭室

一幅書深根藏器時四句末二格款

頻羅居士

梁氏元韻

一幅書地僻境逾靜四句末二格款

九十一叟同書書

梁同書印

梁氏元韻

梁聞山臨興福寺碑冊

紙本十一開高七寸三分闊九寸五分八行七八字缺一開半截碑本非全文缺六不嫌也先生書法勁挺筆力堅凝與山舟齊名有南梁北梁之稱然山舟以姿態勝先生以氣魄勝各擅其長未易軒輊然先生書完蘊藉少差耳後款

臨右軍興福寺碑

聞山梁燾

梁燾之印

文聞

孔葭谷臨鍾王小楷卷

絹本高七寸一分長五尺一寸三分絹二接臨鍾宣示表十三行薦季直表八行力命表六行臨右軍曹娥碑十二行樂毅論全文三十八行又臨雅集圖記二十六行後題連款十二行書法謹嚴轉折圓厚波磔折帶神似天瓶

作字不懸臂一世不得佳能懸臂則出筆自然不俗晉宋間人蕭灑古淡正得此法也然非日無間斷雖學已成功不能精熟前人有謂腕不帖案即得虛圓不在懸之太高此遷就之說耳余學之幾卅年旋學旋輟迄於無成正以不能無斷續之故要之不能懸臂作蠅頭書則三分大字雖能懸不佳不能三分則五六分者不佳推而至于寸許皆是一理又往冬月衣皮綿服時懸臂極熟一到夏月衣單則虛懸無薄皆未為成直須去

身寫得真楷方為得法行草通靈猶未為是也功夫至此以後

乃可以用力學字

癸巳中伏揮汗作書課

葭谷繼涑

繼涑私印

夫信

按先生此段議論確為得之天瓶天瓶于臨舞鶴賦後略示其意先生於此直宣其秘以見學書之法然自廷試尚小楷務趨光圓勻潤孰能背道而馳故館閣體中不復有知書者矣近三十年中惟吾鄉松禪相國懸臂學書而日值廷恐不能無作輟每見其得意之作神采飛動直逼蘇黃

孔葭谷臨董香光演連珠冊

瓶麓齋舊藏

紙本十七開計三十四頁每高七寸三分闊三寸六分烏絲直界五行字不等楷書略帶行意共五十首末有董跋六行題款五行

右五十首演連珠陸士衡作二十年前曾書數則興且盡矣京
兒搜書簾中得之每續書一二首復不耐煩漸作漸止竟無遺
丈所謂老驥追風一日千里駑馬十程亦足及之假令書家如
趙集賢輩見之必笑其惰也丙子五月正午次日思翁題時年
八十有三

此香光真蹟金壇相國每稱其妙壬午歲曾為相國臨一本今
閱十二載書學未之有進良為可愧植三弟傳竹虛先生索書
之命曰仿此以就正 後學孔繼涑

繼涑
私印
懸臂
學書

懸臂作楷古人亦以為難本朝惟張文敏擅長葭谷先生得
筆法于文敏書亦酷肖 葭谷學張文敏書可云神似所不

建者秀韵耳文敏之書其秀勁在骨殆得自天授非功力所可幾及也辛未秋八月燈下展閱偶書 慶麟

王夢樓臨開皇蘭亭冊

紙本五開計十頁每高五寸一分闊三寸一分烏絲直界四行字不等毫極軟似有不能如意處然風致翩翩氣息入古而楮墨如新尤不易得副頁有耕圃所藏勤慎堂印首頁邊上有畊圃鑑賞結歡喜緣二印末頁邊上眎富貴如浮雲朱字玲瓏館三印後題

右軍脩楔帖乙卯秋日為心農主人臨

文治

王氏禹卿

余曾見一舊拓開皇蘭亭有先生跋附記于此開皇蘭亭世不多見余向於滇南曾見一本尾有董文敏跋其略云王順之尤延之若見此本必不聚訟于定武趙子昂若見此本必不盤旋于獨孤東屏之二本而三十七題跋不休末後乃云今見此本如慶喜見阿閼佛耳香光精鑒其於此本可謂傾倒之至矣余假置案頭者數月暇則臨仿苦

不能窺其奧處私謂開皇本較之定武別含樸拙之意結
字用筆絕未有歐褚諸公書格在其意中与唐時模賜本別
具一家風味真法帖中希有之珍也此冊為溧陽史氏物項
吾靜涵四兄世好獲於表簡齋前輩處其有豪鏗轉折与董
公所跋正同以余曾見董本爰屬識數語于後庶資多一參
證云 乾隆五十八年癸丑暮春西江百花洲寓齋文治

王夢樓壽朱子穎詩翰冊

紙本十二開計廿四頁每高七寸濶四寸二分烏絲直界五
行字不等前六開半為壽子穎詩五古八章以下書綠竹引
七古一首又題畫等七絕二首皆與子穎詩書法飄逸而有
勁氣与尋常所見以偏鋒取勢者不同真先生真面也詩極
佳併錄之印首畫禪下角寶月硯齋下詩印首柿葉山房後
有燕山珍玩燕山桂良墨瑤卓氏海颿竹浪齋印四印

結交甫弱冠忽已至半百中間事紛如苦樂唯所歷君持使者

節前歲到江國故舊歡相迎廿載話睽隔余亦杭一葦急欲覩

顏色酌酒對華燈照見髣髴白光陰一刹那何處不陳迤 仗

劍游燕市共將肝膽論桐城夢轂子

姚姬傳

及君為三人握手登

高臺酒酣氣益震昂首視白雲開襟向青旻共負千載志榮華

若埃塵蹉跎三十年夙懷終未伸君官方貴盛努力酬國恩他

年輝史冊方知儒術真

君躡長白雪我乘大海風君登我眉

嶺我上雞足峰君攬泰岱雲我攀華岳松蘿足半天下瞥眼如

飄蓬平生製初服未免征塵蒙且勿道辛苦聊復誇游踪

舉

世習聲病苦學秋蟲鳴惟君提巨筆淋漓灑滄溟赤日出扶桑

那顧羣怪驚龍馬蹴雲霧斷非驢所能建安陳思王開元杜少

陵遐哉古之人使我心忤，夢轂癭而妍君顏醜而牡虬髯

二尺餘顧盼神益王當時負奇才共許文壇將那知閱歷還觀
空喜無相少年月露緣收拾作供養居然三比丘機鋒互提唱
恐是多生前同龕檢龍藏 樅陽劉夫子盛名六十年猿臂不
封侯遺珠草澤間君也師事之藍青冰益寒常恨別離久無由
達拳，君未未下車存問空江邊使者望於道壽金以為歡劉
公逾八十矍鑠行地仙弟子為美官少償身棄捐 從來老画

師夙世必詞客落筆無性靈丹青漫塗澤君畫本家學奇境乃
獨闢似臨萬人敵如展翬天翻最憶朝京師 帝命點竹石素

紙鋪丹墀千巖成項刻天容怡然開侍從舌為咋即此逸殊榮
已足邁古昔 揚州盛園館楹桷皆丹青山光與禪智寂寞無
人行君時屏騶從幽討穿寒汀窮交三五人共驗夙所經匏樽
自行酒破牕風冷 山僧不相識苦教留姓名君笑而不答為
寫寒梅馨余点与斯會感舊弥闕情 乾隆四十三年歲次戊

戌春三月旬有七日為子頴六哥五十初度作詩八章為壽陳
平生之懷抱叙卅載之離悰殆非常言常詞伏惟鑒察 夢樓

愚弟王文治頓首

夢樓
丹徒
布衣
樓雨

綠竹引為六哥題照之作

撫吾綠綺之鳴琴對君綠竹之清

陰千竿萬竿攢翠色溪迴徑復如雲深君寫此困良有以少年
展拓居燕市酒酣倚劍黃金臺浮雲六合誰知己佳人羅袖倚
脩竹才子飢驅走窮谷天涯一例可憐人香草離騷怨幽獨十
年不見君容儀君官貴盛來江湄官衙有竹亦娟好敲風濯露
搖晴霏須知竹性尚直節炎涼閱歷無改移鳳皇雖然餐竹實
甯如雞鶩芻糧肥君曾登泰山頂齊州一氣連滄溟君又踏我
眉巔太古白雪橫春烟其間竹木幾千載神靈飄雨青如海知
君夢魂猶戀此願乞閒身弄蒼靄我年未四十解郡歸鄉園依
然絆塵網白首無良田安得渭川滿千戶編籬栽笋穿洲渚與

君曰：竹林下朝挈耒耨暮筐筥身後之名容易得身前快意
殊難覓夜吟牕紙送落聲依稀竹韻鏗瑤壁

為舍弟學海奉使六哥畫幀有序

楞伽經云如人學書畫伎

樂漸成非頓因知書畫雖小道斷無不從漸入者都轉天才超
逸於繪事不習而能乃見學海所藏十五年前之畫以為不可
存而易之則知十五年中漸進之功深矣或曰都轉十五年中
升沈宦海憂樂之撓其天者不一而足何能專力於畫余應之
曰是正其學畫處此意索解甚難亦須都轉對面乃得證明耳
江館春波接海陰棕鞵席帽此幽尋廿年擁節來過處重寫

孤舟聽雨心

子穎六哥昔游江南曾與羅兩峯朱霞谷二亭諸公飲鐵佛今
二十年蒞揚州重尋舊約醉後畫松付二亭為題絕句 廿載

秦淮客裡身宰官重此證前塵山僧不識重來客祇有青松是

故人 文治再筆

王氏
禹卿

王夢樓評書絕句冊

紙本十二開計廿四頁每高六寸八分濶四寸三分前九開
書評書絕句三十首後三開臨蘭亭序并米跋俱六行字不
等惟末頁米跋八行字差小此冊全仿董文敏字裏行間圓
勁非常雖不能盡掩本面而轉折峻峭處味美于回非它書
所可及也

評書絕句三十首 元遺山論詩絕句原本少陵後人多效之

者治幼耽臨池每觀米海岳董香光諸賢評跋私契於衷恨不
獲生其時與之上下其論也見聞鄙隘於金石遺文及唐宋以
來牋素少所鑒覽日月迅速塵事堆胸恐少時解悟與年俱去
輒效遺山體作評書絕句如千首一家之言不足為大方道也

焦山鼎腹字如蠶石鼓遺文落筆酣魏晉揔教傳楷法中鋒
先向此中參 當塗四表重元常典午名流盡辨香憑他野鷺
家：愛甘雪私心賞世將 醉本蘭亭付辨才一篇繭紙萬瓊
瑰菁華已向昭陵閱宗派還從定武開 東屏不肖獨孤賢閱

世飄零總莫傳恠底虹光生潁上石甬重見永和年 一十三

行珠琲列官奴風韻不猶人何當銀燭圍紅袖半格烏絲仿洛

神 小字黃庭內景經大書瘞鶴上皇銘相傳並是神仙照揮

洒都成鸞鶴形 書家品韻辨聲微鍾褚憑誰定是非却憶味

經堂上坐小牕風雨看靈飛

靈飛經墨跡下半卷今在座主秦司寇家

斌媚甯徒

魏鄭公河南腕底六驚鴻子山枯樹文皇冊顛米平生學不窮

貌寢工書有率更高麗貢使盡知名幾人眼見元 替陝刻

空勞搨九成 狂素顛張草藁工秉胎漢晉自稱雄豈知有宋

諸名輩却祧羲之祖魯公 墨池筆冢任紛紛參透書禪未易

論細取孫公書譜讀方知渠是過來人 唐代何人紹晉風括

州象比右軍龍雲麾墓道殘碑在萬本臨摹意未慵 岫巖山

惟留草樹延陵碑已失龍鸞涪溪萬丈磨厓頌合作商彝夏敦

看 曾聞碧海掣鯨魚神力蒼茫運太虛間氣古今三鼎足杜

詩韓畢與顏書 雖然筆諫足千秋爭坐天真未許儔若把誠

懸方魯國也如子厚擬蘇州 韭花一帖重璆琳千古華亭最

賞心想見畫眠人乍覺夢光鋪案寫秋陰 君謨落筆帶春韶

玉潤蘭馨意欲消心畫心聲原不假黨人爭及萬安橋 坡翁

奇氣本超倫灑翰縱橫欲絕塵直到晚年師北海更於平淡見

天真 學士蘇門沾溉多出藍生水究難過便將書品衡詩品
畢竟西江遜大我 鴛鴦繡出任君評得力終身只自明小楷
蠅頭空一代誰知從幼學顏行 天資凌轢未須誇集古終能
自立家一掃二王非妄語祇應釀蜜不留花 不徒素練畫秋
鷹筆態沖融似永興善鑒工書俱第一宣和天子太多能 狂
怪餘風待一砭子昂標格故矜嚴憑君噉盡紅崖蜜無奈中邊
祇有甜 何關燕瘦與環肥窠臼纔成意已違承旨風流猶有
憾揭虞應等檜無譏 沈家兄弟直詞垣簪筆俱承不次恩端
雅正宜書制誥至今館閣有專門 吳下風華代有傳一時文

祝更翩：饒渠學盡鍾王格不離聲聞小乘禪 書家神品董

華亭楮墨空元透性靈除却平原俱避席同時何必說張邢

衣冠楚相貌中郎絳汝虛勞損二王留得先賢神韵在前惟寶

晉後鴻堂 賜謚都仍文敏名吾朝司寇繼元明縱然平淡輸

宗伯多恐吳興畏後生 靜海書名擅北方清華三世接芸香

蹇驢襪被長安道猶憶親曾見老蒼 錄舊稿請桐階六兄訂

正 夢樓王文治

王文治印 夢樓

錄評書絕句後尚有餘紙因臨蘭亭一通 文治再記

夢樓

王夢樓臨米海岳書軸

紙本大行楷高五尺五寸二分濶一尺九寸八分連款六行
臨米樵人以異石告至無不露也左角下有劉清之印蓮溪
收藏印後款

臨米海岳蹟請厚田大兄大人誨畫 夢樓愚弟王文治

文治
私印

文章
太守

王夢樓臨宋四家書屏

紙本四幅每高三尺六寸濶八寸烏絲直界三行
一幅臨蔡君謨書北京居鮮暇至以慰遐想末書

蔡君謨

王文
治印

一幅臨黃魯直書札惠寄鮑詩至旨甘之奉易豐末書

涪翁尺牘

王文
治印

古緣萃錄

馬士

士

澄蘭室

一幅臨蘇長公詩武昌樊口幽絕處至長松落雪驚醉眠末書

東坡詩帖

王文治印

一幅臨米南宮詩七絕一首二行後款二行

米南宮詩帖

恭呈思元主人誨正

辛酉暮春之初王文治

謹臨

王文治印

曾經滄海

王夢樓書朱子頴詩幅

紙本高二尺四寸二分濶四尺六寸七分大行楷十六行七絕五首款一行字差小印首柿葉山房

淮海何期又見君飄飄英氣尚如雲夜闌沈醉孤舟月白髮誰知老冠軍
熱官冷做百無求倘得憑君告舊游廿四橋邊明

月好清水寒玉住揚州 故里交親半改移一樽那得酒同持
朱藤陰下淋漓醉正是河豚大上時 思親我心望長安作宦
無才興早闌寄語白雲好相待出山容易入山難 不得封侯
絕塞行自應萬卷破閒情生前富貴尋常事珍重男兒死後名

子願六哥送劉虛白作夢而書之即以奉歸

文治

王文治印

曾經海

王玉燕白頭榮貴軸

紙本設色高二尺九寸五分闊八寸八分桂花一株芙蓉八
朵上下白頭翁鳥兩隻左角下玉燕聯珠印又玳梁印右上
夢樓印

白頭榮貴 元人曾作此圖茲值伯母太夫人壽辰命女孫玉

燕敬臨為祝

姪王文治

王氏

樓夢

駱佩香芍藥軸

紙本設色高二尺七寸七分闊一尺一寸四分芍藥一枝一
莖三花白色花葉淡雅無脂粉習款石上並題兼錄鮑茅二
女史詩印首秋亭女史

篠園芍藥有一莖三朵者夢樓先生以三朵花名之賦詩紀異
奉和賓谷先生原韵兼請教正 豈是東皇識使君花開恰好
覆卿雲顏如仙客剛三朵春入長羸過十分似厭綺羅誇並蒂
偏邀冰雪咏高文綵毫繪罷金針繡韵事于今海內聞 駱氏

綺蘭

佩香
女史

駱綺蘭學寫三朵花並將鮑菫香茅蕊仙二女史和原韻錄之
佩香

滿春雨露仰東君養得奇花爛似雲映月直宜成四照龍烟不
辨是三分聚來天地精靈氣題徧公卿錦綉文金帶圍知他日
瑞敢書佳話好傳聞蕊仙茅桂芬

天遣名花遇使君千重翠幄護春雲一莖獨挺三英秀並蒂低
聯五萼分歲與天香為近侍代邀名士譜新文還同金帶圍呈
瑞預兆台階此重聞菫香鮑之蕙

時乙卯五月二十一日親書

佩香
數筆

羅兩峰梅花軸

紙本淡設色高二尺一寸一分潤八寸二分梅花一樹倒垂
全以淡青渲托花朵遂覺精湛異常畫心中空一方高八寸
四分闊三寸二分內題九言詩頗別致

元冬小春十月微陽回綠萼梅蕊早向南枝開折寄未贈陸凱
隴頭去相思忽到盧仝窗下來歌殘水調沈珠明月浦舞破山
香碎玉淩風臺錯恨高樓三弄叫雲笛無奈二十四番花信催
嘉慶三年歲在戊午夏五月既望用方于魯寥天一墨仿水

壺老人法於都門客舍

羅聘

羅聘
夫遜

按疑年錄名人年譜遜夫生雍正十一年卒嘉慶四年年六
十七然瓶簾齋所藏三友堂圖冊有遜夫畫一幀係丁巳年

作計纔五歲此幀戊午畫年六十有六兩種皆非贗品而此幀題字已露顏唐或係生年誤記卒時已八十外亦未可知以先生為冬心高足證之尤可見生年之不確辨見前

翁覃谿行楷論書卷

紙本二段高五寸九分一段長一尺九寸三分一段長三尺二寸九分前十四行後廿三行：四五行行楷書印首蘇齋

楷法自歐虞以問津山陰前有焦山鶴銘即江左字體之息壤也竇尚輦不見右軍正楷則黃庭東方讚樂毅論皆久為後人臨撫矣唐人正楷由流渢原者惟有化度寺邕師銘耳 方綱

覃谿
翁

坡公書天然雄秀如峰巒削立峻峙天外不以仿古為能而晉

賢之結搆達來於腕下惟所書蔡君謨夢中詩天際烏雲含雨
重樓前紅日照山明絕句及蘇子容放營籍三詩此卷在項子
京收藏時已改裝為冊正是獅子搏象用全力時詭異顛縱而
無一筆不從沈鬱頓挫中來也 方綱

翁方綱印 三

翁覃谿真行書論書冊

紙本十二開磁青描金帝廟邊心高五寸八分濶八寸七分
計論書十五則

第一開楷書上頁四行下頁四行共二則

皇象梁鵠師宜官皆承漢隸之遺而自出機神與中郎並時等
量書勢

景祐帳構銅字鑒者以為韋仲將手書已超出同時隸體之上

第二開行楷八行一則

旦極寒官奴小女玉潤建安追尋諸帖並是右軍得意之作合之快雪時晴帖皆蘭亭之法印山陰書髓悉在此矣

第三開行楷十行一則

蘭亭以定武石刻為大宗是率更手摹勒之唐禁中者後又經薛道祖重摹不失右軍筆意真本既失惟東陽本能存其神天師庵本則趙松雪臨寫稍具體耳

第四開行書六行一則

龍跳天門虎卧鳳闕蘭亭聖教皆含蓄不露至晉祠銘乃恣傳其神

第五開楷書上頁五行下頁五行共二則

項子京家萬歲通天帖瑯琊家集之珍唐人手摹真迹並右軍大令之遺矩也

洛神十三行世傳二本惟荆川家藏本微異与玉版本並馳甄林諸家所摹皆從此二本發源耳

第六開楷書上頁四行下頁四行共二則

永興書本永禪師率更書本劉仲寶河南書本史陵

孔彪碑漢隸中之唐楷也伊闕佛龕碑唐楷中之漢隸也

第七開行書六行一則絕似永興書

積時傾想帖是永興神到之作有疑為米老作者未然也

第八開楷書上頁四行下頁三行共二則

趙子固言於唐人楷書求晉法惟化度九成廟堂三碑而已此當為定論

歐陽率更用蘭亭法是以直到內史

第九開行書八行一則

蘭亭聖教之後一變而為爭坐位祭姪文遂開宋四家流派祭

姪怙尤得晉人之韻味則大令以來行筆祕妙在焉

第十開行書六行一則

米海岳少學晉唐謂之集怙此心與南唐初搨二王墨迹相為
映發

第十一開行楷十行一則

趙承旨書規撫八分於褚法最近而用筆沈勁每出入李北海
是以仰溯山陰獨超宋元諸家之上得其意者郭天錫張伯雨
金元玉皆妙品也 跋松雪墨點

第十二開行書題款七行

遠皋年兄以此冊屬書為舉所論漢唐宗以來諸家書法之概

略識於此

乾隆甲寅夏五月朔覃谿方綱

內閣
學士
禮部
侍郎

此冊用墨濃厚光彩如新真行俱全氣息醇樸先生書中絕品也尚藏有詩翰一冊筆意古茂而不無拙滯之病不敢遽目為贗品附記于此

翁覃谿楷書金剛經冊

紙本三十開計六十頁每高六寸四分濶三寸四分烏絲方格七行行十四字分三十二章俱各一行標明書法整肅渾樸無一筆放鬆處末題四行又另帑題識

大清嘉慶六年歲在辛酉秋八月之吉鴻臚寺卿大興翁方綱依壽春石本盟手敬書為同邑知州高晟發願勒石為母史氏

祈壽永資持誦

綱旁
書敬

吳縣支雲從鐫

敬書此經後十四年靜夫復持來求題簽並屬書於冊後蓋既勒石廣為捐施欲敬識此以志淨信誠篤無間之意時嘉慶乙亥春三月望方綱時年八十有三

綱旁
書敬

翁覃谿楷書金剛經冊

紙本三十一開每高九寸一分濶八寸三分烏絲直界十二行行十四字工楷較前冊字稍大三十二章一氣直書不分章記目書法謹嚴時有鬆秀之筆流露行間先生得力于化度廟堂於此二冊益信末題二行面兩簽均自書

大清嘉慶八年癸亥四月八日鴻臚寺卿大典翁方綱依壽春

石本盟手敬書

綱旁
書敬

翁覃谿詩翰軸

紙本高三尺七寸二分闊一尺八寸一分行書十行筆意渾厚而極飛舞後款一行印首長毋相忘

柳子寬諸葛祠碑陰記僅存五十餘字今始得拓本喜為賦詩
董牙斂手元和脚工祝官班乃辭却簪箴即是筆諫心晉國
臨淮等咨度誠懸碑版盈海寓哲兄流傳轉蕭索武侯祠記人
共知大楷鍾王名豈忤漢東爭說塔石陰李繁記共青蓮各此
碑陰字獨罕稱歐趙而來歎寥廓吾嘗挾別歐顏蹟京兆臨淄
未刊落元公作尹紫泥前飛蓋金花雪峯錯裴文書罷還記事
古柏青餘照花幙七百春遭惡客詩一半麕沙橫鏡鑿更三百

年我披讀尚五十字神光躍吾甥翰林持節來瞻拜江干手親

拓漁洋驛程記所遺得此歸裝寒不薄依稀判官辨殘字寄語

宮詹證前諾

錢辛楣詹事以此碑系銜無判官字因辨唐史之誤今得此碑陰末行尚可辨判官字也

跋書

兼寄李給事催添檀蠟緘如約寶之不減昇仙陰森然壁立通

泉鶴

予嘗拓得薛少保昇仙碑陰也

乾隆乙卯長至書此以報蓮府編修賢

甥之贈可以增入金石著錄一段墨緣耳

覃谿翁方綱

編方綱

桂未谷隸書格言橫幅

紙本高三尺三寸七分濶六尺九寸七分八寸大隸書九行行四字筆力沈著氣勢軒昂前下角瀆并復民

為善如負重登山志雖確而力猶恐不及為惡如乘駿走坂雖

不加鞭策而力亦不能制

桂復時年六十又九書

老桂觀之印

童二樹梅花軸

紙本水墨高三尺四寸六分潤一尺二寸九分古幹杈枒梅枝條直花朵皆以墨托精湛可愛款右上下角萬樹梅花萬首詩

一枝留得剡溪藤雪態雲容見未曾莫笑山人頻點筆百花誰似歲寒朋
乾隆戊戌仲冬寫於洛下之雪香齋中 二樹

童鈺之印 庵借

童二樹梅花屏

紙本水墨六幅每高三尺一寸三分潤八寸八分一幅梅枝直上花蕊錯落題款右上下角萬樹梅花萬首詩

餘全

寫出寒梅一笑予似蘭亭畔雪晴初相看忽憶山僧語溪上橫

枝畫不如

二樹

二樹

童鈺之印

一幅梅枝交錯花幹橫斜題款左邊上

十月人爭說小春嶺頭曾放幾枝新草堂別有陽和氣寫出紅

花白過銀

二樹

童鈺之印

一幅枝幹勁達筆力恣橫題左邊

卅年流浪傍江湖無事紛々見大都留得胸中春一點不教眼

底有榮枯

二樹

童鈺之印

巖璞

一幅章法平直花幹高超題左邊上

匆々殘歲去脩蛇瀉盡窗前舊物華尚有吟情除不得自研晴

雪寫梅花

二樹山人

璞童鈺
之印

一幅老幹曲蟠花枝倒挂題款左偏下

曾踏城西裏外湖最清涼處日初晡分明記得梅梢月絕勝葱

龍捧夜珠

二樹并題

璞童鈺
之印

一幅枝幹下垂花條爭發題款右偏下

寫出寒梅忽起予依然落々與疎々生平絕倒詩人語一樹花

落

一二如

己亥冬月二樹童鈺

璞童
之印

錢南園臨東坡書軸

紙本高三尺八寸八分潤一尺八寸四分大行書臨東坡天
際烏雲含雨重七絕三行瘦款挖去存下款印首懋勤齋

錢澧

錢澧
注東

錢南園大楷書橫幅

紙本高二尺一寸七分闊四尺大楷十行行六字書汾水濛
濁而宜麻八句後款二行印首有大戒二

聖老大兄親家鑒

澧

錢澧
之印
南園

錢南園大楷書橫幅

紙本高一尺六寸三分潤六尺四寸八分朱絲方格十四行
行四字字約四寸楷書兩都賦是以四海之內至盛哉乎斯
世五十六字款一行印首人在蓬萊

南園楷法純師魯公筆力凝重氣魄濶大國朝學顏書者當推第一行書則不及矣求先生墨跡者故多以楷為貴

董蔗林山水軸

紙本設色高一尺七寸七分濶二尺秋樹滿坡遙山一帶土阜曲折上有茅亭兩、風帆叢、蘆荻畫意在黃倪之間右角下款

董誥謹寫 董誥

潘蓮巢仿石田山水卷

紙本水墨高七寸三分長七尺二分起手林巒銜接飛瀑垂山閣溪亭一帶相映絕澗支橋飛泉百道中路岡阜雜沓樹木迴環扶杖尋幽携琴隨後漸次岩厓平伏溪水空明雲岫蒼茫風颿浩淼自題仿石田翁而筆墨清潤點皴細膩石翁或不能也蓋緣氣韵易得魄力難強耳卷下角慎夫印後款末角恭壽蓮巢二印王題印首王氏禹卿

仿沈石田先生

庚戌長夏恭壽

恭壽

蓮巢居士初學山水沈緬其中者數十年近日臨仿古大家靈妙無闕矣至前明沈石田畫蒼勁古橫令後人不能驟得今蓮巢仿之深得其用筆之處是以誌之 乾隆庚戌冬十月雨窓

觀其畫綴數語于後文治記

王文治印

曾經滄海

潘蓮巢寫輞川詩意山水軸

紙本設色高三尺二寸六分闊八寸五分丹崖陡峭綠樹蕭疎飛瀑懸岩清泉繞石魚之蒼松朱藤清溪遠嶂水廊曲折茅閣清幽雁影淩波高人獨眺風致清麗筆意蒼渾右下角下潘氏慎夫印左下角下岑鎔仲陶私印上夢樓題

暮聲雜初雁夜色涵早秋恰見海中月照君池上樓山雲拂高

棟天漢入雲流不惜朝光滿其如千里游 潘蓮巢寫輞川詩

意直欲合文徵仲董思翁為一手近代無此畫家也文治記

王氏
禹卿樓夢

黃小松揖山草閣圖卷

紙本水墨高八寸長三尺四寸二分岩石遙橫溪流中隔水
閣錯落村舍參差坡樹數株二人扶杖携琴相与緩步閣外
遠山幾疊無限烟波此幀原為橫幅不免薰灼黝暗外舅得
之畀余遂改為卷並將舅生所書幽居林下四分書附裝于
首實非題此卷字也題款卷後小楷橫書

墨池風雨失朝昏極望迷漫何處村欲借白雲封谷口不教車
馬到閒門 仲夏偕老鉄錢棣溪鄭魯翁同至泗上揖山草閣

後至者何夢華許牧田相與嘯詠水亭中勝事也鉄友属寫此
幀因仿大癡老人筆以記吾儕鴻爪所厯耳 秋盦并誌

黃小松

黃小松仿古山水小冊 瓶麓齋舊藏

紙本水墨八開題詩一開每高二寸七分闊三寸三分
第一開遠山一角枯樹兩株坡上一屋窗中三人題左上

仲秋上浣 小松 易

第二開巖石磊砢層臺高聳溪灘野屋參差遠山隱約左上
橫題

摹烏目山人筆意 大易

第三開溪灘平曠獨屋疎林一人臨流遙山微露右上橫題

倣王烟客意於泗上 易

第四開層巒特起數屋臨溪右邊上題

摹南華散仙 易

第五開長隄橫互一閣中穿磊石夾峙林屋疎落一人獨步
隄上遠山一抹在有無間左角題鍾山艸堂小隸書

鍾山草堂 小松擬石田法 大易

第六開一亭孤峙溪心隔岸垂楊一片但露屋角左邊下題

小松寫於潯陽舟次 大易

第七開峯陀圓渾結屋其巔山根蹊徑回環一人扶筇小步
遙山微露野水平鋪題右工角

法趙千里意 易

第八開缺其上半只賸峯陀數筆居中題

擬北苑遺意 易

此頁已缺其半燈下展開略加數筆足成之續貂之謂知不能免
振甫識
臣鑒

燕子來時客未還又將騎馬上燕關客窗尚有分雲手因寫東

吳而浚山 辛亥仲秋 秋盦題志 易

如鶴如雲去未還嗟余老病侶禪關二千里外平安客特健
先看畫裡山 振甫從濟上得此冊寄余欣賞曰步秋盦翁

韻題後 戊申五月晦日龍石
必
冊中每頁用各家大意出入宋元神化乃尔南田石谷當讓

小松翁出一頭地也 六十八病夫拜跋
小松此冊簡老蒼潤直逼倪迂石田翁非胸中無一點俗塵
者不能有此種境界也 漱芸偶跋 楊炳

黃小松仿元人茂林僊館圖軸

紙本水墨高三尺六寸六分潤一尺四寸九分崇山峻嶺茂樹長林數屋臨流一橋跨澗筆墨頗縝中而有淡逸之致此幀人有疑其偽者余謂秋盦山水非專家偶尔涉筆全以簡淡取勝此幀與到之作但須觀其高逸之趣不必以邱壑位置點皴精密與諸家競短長也題字工而禿故丰致差減印碯無可疑在右角上

元人茂林僊館圖見查梅壑撫本 嘉慶三年初冬黃易學之

小松
莽秋

錢獻之篆書庾子山至仁山行雨山銘屏

紙本八幅每高三尺六寸五分闊一尺二寸八分第一幅二行行六字末幅二行款：後有餘紙餘皆每幅三行：八字篆法圓勁奇古全仿籀文首幅有少華山長月光居士奈何以左手作書畫三印

庾子山至仁山行雨山名 嘉慶壬戌十一月十日為簡田十

六兄作

錢坫

錢坫
獻之
病夫

錢獻之篆書戒書屏

絹本四幅每高四尺六寸三分濶一尺二寸三分朱絲長方
格六行行十四字首行題周武王戒書下有斯冰而後直至
小生印每寫一銘下皆以隸書隸行注之末幅三行款俱篆
書

時惟嘉慶七年歲在壬戌之秋七月既望書于吳門 嘉定錢

坫篆

錢坫
之章
跳扁
病夫

十蘭先生篆法奇古 國朝第一与完白山人並觀覺山人
猶有以姿態取勝處必也山人之古隸与先生古篆可以匹
敵乎余藏此二屏為先生精詣所在尚有一醜皆不可多得
之品

鄧完白篆隸四箴屏

紙本八幅每高五尺九寸三分潤八寸九分
前四幅篆書程子視聽言動四箴每幅三行行十七字隸書
小字款在 first 幅首行下

程夫子四箴 乾隆辛亥春末古浣後學鄧琰敬書 鄧琰如石

後四幅隸書山靜胡先生子臣弟友四箴每幅三行行二十
六字款字大小同末空一行汪題書法極似夢樓先生

山靜胡先生四箴 鄧琰書 鄧琰如石

中庸一書子思子傳授心法以率性為明道之本推之子臣
弟友庸行莫貴於篤實而立道莫先於脩身得此四箴足以
輔翼聖學直與程子四箴相為表裏實一以貫之之道也浣
江完白山人書此筆意古雅於倫常日用之間大有裨益世
人當嘗書一通於座右以資警策未始非脩身之一助也
戊申小春揚州後學汪兆錦識于端友齋中 兆錦汪氏

鄧完白篆書康節事蹟屏

紙本六幅每高三尺五寸八分闊七寸九分朱絲長方格三
行行七字後款行書下角岑仲陶家珍藏一印

邵康節歲時耕稼僅給衣食名其居曰安樂窩因自號安樂先
生旦則焚香燕坐晡時酌酒三四杯微醺即已興至成詩自詠
出游城中則乘小車惟意所適士大夫家識其車音爭相迎候
童稚皆歡相謂曰安樂先生來也或留信宿更至一家或一宿
兩宿乃去之好事者因別作屋如康節所居以俟其至名之曰
行窩 嘉慶癸亥小春月書於白門之青藤書屋 頑伯鄧石

如

鄧

伯

頑

山人

鄧完白隸書謙卦屏

紙本六幅每高三尺五寸四分闊九寸二分烏絲方格三行
行十二字隸法斬截峻峭鋒穎畢露後款印首古浣子

古浣鄧瑋書

瑋如石

王虛舟先生論篆法一曰圓二曰瘦三曰參差李少溫後惟
子昂屈此微妙有明一代罕有津逮者其說當矣國朝以
來如虛舟諸公作篆類用硬毫以取其瘦勁之意鮮有以羊
毫作篆而仍筆中鋒如山入者間有轉折取勢稍變古法
亦有合于虛舟先生參差之旨近今學書者另標一種謂之
鄧派惡俗可厭試取此二種篆書細參之有此種惡習耶山
人固不受誣也山人隸法亦古茂奇偉自成一家

奚鉄生仿黃王山水軸

紙本水墨高三尺八寸三分闊九寸五分林密重疊烟雲杳
靄筆意鬆秀氣局渾成題款右角上

昔黃子久見王荆明畫於山樹雲際略作樵迳數筆此畫遂稱

為黃王合作余以兩家法寫溪橋散策雖於古人氣機未能得其萬一然荒率蕭淡若近若遠處自謂在兩家有所得之不識鑒者以為何如 乙卯冬日鐵生呵凍并識

奚岡私印

奚鉄生諸名人書畫冊

紙本十六開每高六寸八分闊八寸六分前副頁二開題烟雲供養四分書曼生陳鴻壽款舅聲父印

第一開鉄生水墨山水疎林遠岫老屋寒鴉右工題

擬柯丹邱法於冬花庵

蒙道士奚岡

鉄生岡

第二開山舟小行楷連款十二行

浪說長生有秘傳餐芝絕粒幾經年升仙直是尋常事雞犬由

來也上天 瑶林琪樹生來有玉宇瑤樓望裏深上界不聞阿
堵 道人偏要鍊黃金 成隊石羊傷巨勝解韁白馬噉東田
鳳狂龍噪無拘管不信鞭笞有散仙 回頭蒼海幾揚塵多少
蟲沙證劫因莫道仙緣無覓處斗牛宮畔尚通津 華人博箭
何人賭度索蟠桃有客偷此是人間何等事仙家爭不事推求
陳搏一覺千餘歲彭祖旁妻五十人堪笑真靈何位業却將
許事傲凡塵 反游仙十首之六 嘉慶乙丑九秋廿有四日

山舟梁同書書

舟山

第三開鉄生設色花卉黃紅雞冠二莖為襯細草棘枝右題

擬陳道復

鐵生

蒙泉外史

同

第四開曼生行楷書蛟室圍青草五律一首五行後題四行

杜陵舟泛洞庭之什元豐時有人得此詩刻于洞庭湖中不載

名氏以示山谷曰子美作也

曼生陳鴻壽

雙

第五開鉄生水墨山水烟嵐雲樹墨潤筆清右上題

做米虎兒雲山烟靄

鉄生

奚岡之印

第六開阮文達行楷連款十二行

行入蒼山路百盤絕無人處白雲寒泉如琴筑風如籟忽聽一

聲山樂官

鳥名

處々山村布穀聲梯田百丈有人耕西峰高與

東峰並鸚鵡畫眉相對鳴 幾多惆悵過靈溪亂竹叢中飛竹
雞千樹碧桃花落盡綠陰深處一鳩啼 斤竹嶺邊新竹樹天
台山上好花枝綠陰直接剡溪路都是黃鸝百轉時 天台山

聽山禽絕句 平山居士

阮元之印

第七開 鐵生設色花卉岩石玲瓏水仙二莖旁映竹篠左邊
題

倣周少谷遺意 蒙泉外史岡

吳岡之印

第八開 曼生行書五律一首連款八行

紗帽隨鷗鳥扁舟繫此亭江湖深更白松竹遠微青一柱全應
近高唐莫再生今宵南極外甘作老人星 琅嬛僊館試劉效

天筆 陳鴻壽

陳鴻壽印 吳昌碩

第九開補 颿水墨山水林巒稠密筆墨老蒼居中題

臨楮花老人法

昌緒

補颿

第十開行書七絕二首六行題四行

江波渺々楚天秋中有歸人感舊游正是登山臨水日樓船下

瀨總封侯

拔劍曾歌行路難海天吹角望長安迄今莫話孤

城事只作漁樵一例看

施鐵如先生題陳卦峰明府歸田園

卦峰守臺有功後去官作照園有漁樵數人 嘉慶乙丑中秋

後書于康山草堂

道源

道源

第十一開補颿水墨荷花左邊題

不知華有色但覺水生香

補颿

西湖客

第十二開行楷書登黃鶴樓五古一首金山讌集分韻七律一首焦山五律二首共十四行後款印首長壽人

西蜀李坦平止楚游近稿

坦

第十三開補颿水墨山水溪山蒼潤點染深濃右角上題

甲子九月朔日撫香光筆法於冬青居

昌緒

補颿

第十四開篆書五律二首烏絲直界十二行後楷書題

右秀水竹垞供奉鄒縣謁孟子廟詩最莊重典正可灑 賡云

甫生

第十五開補颿設色花卉山茶黃梅各一枝左邊題

撫包山法于冬青居 補帆 緜

第十六開行楷十一行後款一行印首勿晒

書史會要一則時嘉慶乙丑立夏前一日 津門李棟書 榭

陳斗泉仿古山水冊

紙本十二開每高九寸六分潤二寸三分題面皆在對頁
第一開水墨峯巒高聳筆墨清潤左上題右角下陳字印

擬梅道人五墨法 臣棧 印 斜

第二開設色丹巖紅樹溪山平遠右上題

江山高遠昔洪谷子有圖略師其意 臣棧 印 斜

朝登古塔倩雲扶，晚上扁舟與鶴俱。
滿目青山更紅樹，為余裝就過江圖。
西風曾看桂花來，僧院重游菊又開。
回首雲岩憑眺處，斜陽金碧照樓臺。
楊柳蒹葭港汊分，雁聲才過笛聲聞。
漁村薄暮炊烟起，散作微茫水上雲。
自題濱江晚渡困舊白。
小渚風吹蘆荻亂汀洲，泛宅江南憶舊游。
紅樹青山相映處，夕陽帆影在中流。
詞泉第三開水墨懸崖陡壑松，蔭滿岩左上題。

法巨然

臣職私印 斜

長雲秋莽，森木晝陰，細路多年斷。
寒天衆壑深，空聞招隱士，未遂入山心。
城市滄桑換，茅亭自古今。
青桓毛氏書第四開設色層巒，迭起丹翠滿山左。上題。

仿大癡秋山晚翠圖

汪南

當門不見柿林紅，冷淡琴書一室中。
安得秋山閒綴目，夕陽飛翠倚吟筇。
小渚
臣職印

古緣萃錄

馬十五

卅一

澄蘭室

喧卑不慙幽人意秋老空山有閒地竹樹柴門屋數間坐攬
千峰萬峯翠紫巖元富巖

數間茅屋帶疎林筆墨荒寒自寫心百計思量無一可人生
祇有入山深題畫舊作銜寬寬

第五開水墨雲山數疊一曲清溪右角上題

米家山

臣賦
私印
泉

江村夏雨生畫寒雲氣乍欲沈千山孤舟獨釣者誰子觸我
詩思蒼茫間紫巖

老屋傾欹鎖亂雲板橋橫閣水云蒼落黃葉渾無路人世
喧囂寂不聞題畫詩銜寬銜寬
之印
仲傑

第六開設色丹巖翠巖陡壑崇厓右上題

仿黃鶴山樵

臣賦
私印
泉

第七開水墨溪山清潤筆墨老蒼左上題

仿石田翁

臣裁
私印 斜

老木蒼藤擁髻鬟一層谿谷一層山迢迢眼底芒屨路心在
輕烟淡靄間 栗仲題畫舊句 道標

第八開設色山嵐稠疊樹色丹黃左上題

仿范中立

臣裁
私印 斜

第九開水墨林亭蕭瑟巖岫荒寒上居中題

古木虛亭傍水濱一痕遠岫澹無垠倪迂去後山林俗此處何

從著一人 斗泉并題 斜

第十開設色青山遠映綠柳扁舟右上題

仿趙大年柳溪釣艇 涇南

古緣萃錄

烏十五

世

澄蘭室

第十一開水墨山色濃鬱雲氣空濛左上題

思翁雲山有此意

臣賦私印

半生游屐落塵寰雪竇天童想像間稍喜篝燈看畫本只憐

不是意中山

栗仲

臣印

第十二開淡設色山巖雪積老樹蕭騷右上題角下姑蘇城外

仿王右丞雪巖圖

壬子仲夏寫於會稽郡齋長洲陳栻

涇南

拂箋便覺粟生膚凍色稜々進入園徑欲吳門覓遺稿雪車

永柱有詩無

訥泉

沈訓

乾隆末客游會稽陳子斗泉為寫此冊筆意幽秀烘鎖得法

藏之行筍餘四十年紙墨如新而斗泉下世已久余亦頽然

老矣既屬同人賦詩目識數語

甲午小除前三日樅陽關

嵐書于星沙寓廬時年七十有七

吳書亭山水冊

紙本十二開每高五寸一分闊七寸一分末頁角下宛平查氏藏書印

第一開設色溪山柳艇題左角上

意擬趙大年平遠小景愧未能似 書亭 吳

第二開水墨江村漁艇題右上

江鄉漁隱展玩之餘有咫尺千里之勢 賞出

第三開水墨林壑深厚題右角上

君門乞得此身閒野樹烟江一棹還收拾舊時詩酒伴遠尋僧寺入秋山 仿北苑秋山訪友圖本力弱墨浮未能得其大槩

且閒居士 吳

第四開淡設色絕壑流泉題左角上

且閒居士寫意

吳

第五開設色峯巖秋色題右上

翠色削平厓蒼烟抹楓樹所好在幽壑弄筆得深趣
且閒居

士

吳

第六開水墨老樹蘆溪題右角上

寫得烟波釣徒

且閒居士

賞幽

第七開水墨梧桐竹石題左邊

梧竹清陰只數點墨耳而有天真爛熳之趣
書

第八開水墨枯木怪石題左邊

古木怪石古人往々為罔槩取其蕭疎淡遠之意若克意求工反不稱品此幅于無意得之鑒者以為如何也

騃松
題書

第九開設色崇巖茂樹題右角上

倣大痴道人筆法 且閒居士

書
亭

第十開水墨峭壁叢林題左角上

轟々蒼岩千仞亭々古木多株遠帆疾若飛鳥自有天風与俱

松寫

騃

第十一開設色桃塢雲濃松巖雨淨題右上

松桃山館

丁亥長夏畫意

書亭松

吳

第十二開設色岩泉清冷梅花一株襯以天竺水仙題右角下

茂苑吳松寫

吳松

書亭吳人山水林木遠宗劉珏近仿宋懋晉筆頗蒼勁而秀見畊田齋筆記此冊得于閩中畫史彙傳作吳淞誤

陳肖生花果冊

紙本十二開水墨蘭蕙梅竹牡丹薔薇菊荷玉簪水仙香椽枇杷筆意蒼潤具有白陽遺意無款有陳嵩肖生等印肖生泰州人善梅花見畊硯田齋筆記此冊先大夫所收藏余幼時即於案上見之在余家最久吳書亭冊得之閩中歸余亦多年雖係書畫小品故皆附識于此以寓不忘之意

